

列朝詩集

列朝詩集

丙集第一

李少師東陽古樂府一百首

古體詩五十六首

李少師東陽

東陽字賓之茶陵人以戊籍居京師四歲舉神童景皇帝抱置諸膝六歲八歲兩召見講尚書大義命入京學天順八年進士選翰林庶吉士成化元年授編修八年以禮部左侍郎兼文淵閣大學士直內閣累官少師兼太子太師吏部尚書華蓋殿大學士正德七年致仕又四年卒年七十謚文正公慧悟夙成風神娟秀歷官館閣四十年不出國門獎成後學推挽才雋風流弘長衣被海內學士大夫出其門牆者文章學術粲然有所成就必曰此西涯先生之門人也罷相家居購請詩文書篆者填塞戶限頗資以給朝夕一日夫人力展紙砥墨公有倦色夫人笑曰今日方設客可使案無魚菜耶遂听然命筆移時而罷其風操如此詩文有懷麓堂集及續集南行東祀諸集若干卷國家休明之運萃於成弘公以金鍾玉衡之質振朱弦清廟之音含咀宮商吐納和雅渢渢乎洋洋乎長離之和鳴共

命之交讐也北地李夢陽一旦崛起能談復古攻竄竊剽賦之學詆謨先正以劫持一世關隴之士坎壈失職者群起附和以鑿井長沙爲能事王李代興祧少陵而福北地目論耳食靡然從風吾友程孟陽讀懷麓之詩爲之擿發其指意洗刷其籍字百五十年之後西涯一慨然復開生面而空同之雲霧漸次解駛孟陽之力也余嘗與曲周劉敬仲論之曰西涯之詩原本少陵隨州香山以迨宋之眉山元之道閻兼綜而互出之其詩有少陵有隨州香山有眉山道閻而其爲西涯者自在試取空同之詩汰去其吞剝尋捲叶牙齦齒者求其所以爲空同者而無有也敬仲深思久之亦以余言爲然今年錄西涯詩思與孟陽敬仲後先揚扢之語爲之慨然而又念西涯北地升降之間文章氣運胥有繫焉不得不詳切言之非欲與世之君子爭壇場而絜短長也

擬古樂府

謝鐸濟辰評

何孟春注

擬古樂府引曰予嘗觀漢魏間樂府歌辭愛其質而不俚腴而不膩有古詩言志依永之遺意掩之鄉國各有攸宜嗣是以還作者代出然或重襲故常或無復本義支離散漫莫知適歸縱有所發亦不免曲終奏雅之謂

唐李太白才調雖高而題與義多仍其舊張籍王建以下無譏焉元楊廉夫力去陳俗而縱其辯博於聲與調或不暇卽延至于今此學之廢益亦久矣間取史冊所載忠臣義士幽人貞婦奇蹤異事觸之目而感之乎心喜憮憂懼憤懣無聊不平之氣或因人命題或緣事立義託諸韻語各爲篇什長短豐約惟其所止徐疾高下隨所會而爲之內取達意外求合律雖不敢希古作者庶幾得十一於千百謳吟諷誦之際亦將以自考焉其或剛而近虐簡而似傲樂而易失之淫哀而不覺其傷者知言君子幸有以正我云弘治甲子正月三日西涯李東陽書

王元美書西涯古樂府後云余嚮者於李賓之先生擬古樂府病其大汎議論過爾剪抑以爲十不得一自今觀之竒旨創造名語疊出縱未可被之管絃自是天地間一種文字若使字字求諧于房中饒吹之調取其字句斷爛者而模倣之以爲樂府如是則豈非西子之顰邯鄲之步哉余作藝苑卮言時年未四十方與于鱗輩是古非今此長彼短未爲定論至於戲學世說比擬形似既不切當又傷猥薄行世已久不能復秘姑隨事改正勿令多誤後人而已嘉隆之際握持文柄躋北地而濟長沙者元美爲

之職志至謂長沙之啓何李猶陳涉之敗漢高及其晚年氣漸平志漸實
舊學銷亡霜降水落自悔其少壯之誤而悼其不能改作也於論西涯樂
府三致意焉今之談藝者尊奉弇州卮言以爲金科玉條引繩批格恐失
尺寸豈知元美固晚而自悔以其言爲土苴唾餘乎平津刻舟之人知効
去已久未有不爽然自失者也微元美之言將使誰正之哉

申生怨

十日進一昨君食不得嘗讒言豈無端兒罪誠有名兒心有如地地墳中
自傷兒生不如犬犬得死君傍潘云使晉侯隔之未必不慨然自失天地豈不廣日月豈不
光悲哉復何言一死以自明謝云說得申生心透潘云聲氣俱盡更著不
科一語

絲山怨

五蛇上天一蛇蠱叶絲山經月火不滅君侯重翻爲仇不如放作山中
囚君侯有臣一非少貪天之徒但自保臣心見母不見君誰言母死非君
恩潘云此委曲其委今辰何辰夕何夕醉與千年作寒食

屠兵來

兒勿啼屠兵來趙宗一綫何危哉千金賣
今有夫夫有子死兵易立孤難九原下服

兒兒不死真兒却在深山裏妾無慚顏趙家此客還此友穿何

故亡盾

云客不負趙

此意亦甚堅切

誰言趙客非晉臣當時嬰杵爲何人

築城怨

築城苦築城苦城上丁夫死城下

叶公云當與崩城操爭長

長號一聲天爲怒長城忽崩復爲土

長城崩婦休哭了夫往日勞寸築

謝云當

與崩城操爭長

避火行

夫人避火避火不可婦人不下堂下堂羞殺我夫人避火不可我身

有仲還有姆傳姆不來心獨苦

叶公云只用本色語辨他篇多類此君不見宋姬一卒

春秋悲文姜辱死南山詩

掛劍曲

長劍許烈士寸心報知己死者豈必知我心元不死

叶公云意近名平生讓國心耿耿方在此

漸臺水深幾許使者來誰遣汝

叶公云只是一誰不見君王符空傳君王語漸

漸臺水

臺水行宮不可度妾死猶首丘

謝云無浦必於是

君行在何處

清云死不忘君更

平生委質身爲君此時重信輕妾身

褚云是一意

君不還妾當死臺高高水濶

潤謝云結尤灑落潘云斬絕之後轉覺含蓄

作手作手

卜相篇

家貧思良妻國亂思良臣薦成成不知告墳壙不噴克也與國論此國尚有人能令汝卜相誰使汝爲君東周一失政全晉遂三分但知晉國亂不念周家貧史官謹初命千載傷彝倫

潘云

卜相事史家以爲美談提出誰使汝爲君一句大義方明白晉亂周貧此意更警切

國士行

漆爲厲炭爲亞彼國士何爲者趙家飲器智家頭一曰事作千年仇報君仇爲君死斬仇之衣仇魄褫臣身則亡心故如此非身有之不能道

昌國君

齊城下卽墨守燕將代昌國走卑辭累使召不歸臣心上有先王知

褚云只一

句道先王知心獨苦義君臣邦父母當時

誓死却齊封更忍還兵向燕土

終不侷信要劉胥報楚謝云說得樂殺心曲

樹中俄

山深雪寒路坎坷兩死何如一生可桃才自信不如哀君若有功何必我潘云若已有之楚王好士得燕才燕家未築黃金臺當時周室何爲哉吁嗟乎樹中餓死安足惜潘云必如此方見賢者之過何似西山採薇食

邯鄲賈

邯鄲奇貨千金抵陽翟賈兒雙眸睨掌珠飛蹠華陽宮宮中老蚌光蜘蛛門不開玉符剖秦人河山趙人手邯鄲種玉玉不死移向宮中生玉子長安寶氣橫九州賈兒身貴封爲侯匹夫懷璧尚不可何怪兒死潘云通篇比興中叙事曲盡以此絕少貴

易水行

田光刎頭如拔毛於期血射秦雲高潘云起道傍灑淚沾白袍易水日落風悲號督亢圖窮見寶刀秦皇繞殿嘆且逃力脫虎口爭秋毫荆卿倚柱笑不吷身就斧鎧甘腴膏報韓有客氣益豪十日大索徒爲勞荆卿荆卿嗟爾曹謝云四夫不及晳士信哉潘云只合如此

鴻門高

鴻門高高屹屹叶日光
靈雲霧塞雙舞劍怒玉斗裂網彌天龍有翼龍一去難再得
殆哉潘云句短意壯長者可學短者不可到雖舊格亦罕見此何孟春云
李賀詩坐上真人赤龍子李白詩焉知高光起自有羽翼生先生此章想
見鴻門之會英雄滿前老龍跳波猛虎決蹯其氣勃勃萬世一時譏當復
描繪也

新豐行

長安風土殊不惡太公但念東歸樂漢皇
人民不異山川同公不思歸樂闋中漢家
當時幸不烹若翁潘云句意渾古無一字
不合作筆更有力

淮陰歎

營門畫開齊大吠蒯生相人先相背古來
功成四海身無地歸楚楚疑歸漢忌極知
君王恩深辭士走淮陰胷中血一斗婦人
手執生殺機赤族不待君王歸

三示琰壯士入目皆拆謀臣
謝云榮陽之芻龍幾再用危乎

到雖舊格亦罕見此何孟春云

君王歸神爲惻獨不念秋毫皆信力舍人一嗾計王殂淮陰之辭真有無噫吁嚱淮陰之辭真有無謝云漢高於此真少恩哉千載之恨始有甚於此者猶幸不出於婦人耳三復此作爲之扼腕潘云千載疑獄非老吏不能判此引呂后嗾告彭越事爲證非拘成案者

臣不如

劉氏盟呂氏爭臣不如陵呂氏敵劉氏絕臣不如勃平乎平乎智有餘胡爲甘此兩不如潘云機挽教字出便分曉茲言非暫還非愚平乎竟爾爲身圖謝云識平義

殿上戲

殿上戲丞相嗔丞相勿嗔吾弄臣臣可弄不可狎節使不來臣已殺君耳有道臣職遂細柳營中親按轡謝云意勝詞溢云意故不可少

宜陽

宜陽小兒身姓竇弟爲傭姊爲后山中岸崩壓不殺自言相有封侯法朝上書夕召見生不記家猶記縣眼前喜極翻作悲一朝富貴從天來左圖書右賓友兄弟賢名世希有古來寵祿易驕奢今人尚憶貧時否潘云據事直述亦可以觀矣

穎水濁

魏其侯家客醉舞一語不回丞相怒叶相家貴人半膝席斬首穴胷那復惜籍郎按項項不俯穎川諸豪同日捕叶魏其皆裂東朝東首鼠不決輒駒窮穎川水濁灌滅宗誰令併殺老禿翁相門白日嘯二月起明年春武安死誰言死速不如遲幸未淮南語泄時謝云其紹曲乃爾濟云紐織史傳以成樂章可誦可戒

數奇歎
匈奴七十戰戰戰不得當一當遂失道憤激摧肝腸君恩念數奇將令抑不揚白頭取下獄飲泣橫千將敢也恨父讐寧爲刺客死路傍隴西世節氣此志亦可傷陵乎爾誠才蕭何云能辭之貴甚於我昔胡爲辱死天一方

文成死

文成封五利封神仙只在東海東文成死五利死天下神仙皆妄耳蕭云此六何謂漢家武皇帝者英昔何懵矣今何明君不見百年身萬年計前秦皇後唐帝何云許澤詩百年便作萬年計唐帝謂憲宗也

牧羝曲

嗟汝陵咄汝律瓶可乳節不可屈咄汝律嗟汝陵寧爲我死不作汝曹生
潘云句意碑元甚解題目臨江源注辭不以生入朝身已老有淚猶沾茂交草
潘云急忠愛天遣生還入畫圖不然誰識水霜貌
潘云結亦新意然佳處不在此可與知者道耳

問端詞

少陽用事春猶淺道傍死人春不管丞相停車問牛而君不見陳平辭周
勃免誰曾問春淺深牛近遠謝云差強人意潘云音諭自會

馬婕妤

圈門畫開熊不守婕妤當前衆嬪走荷君光寵捍君危不然安用賤妾爲
君身如山妾如葉君有不虞安置安_{潘云体帖}亦知倉卒非賈恩恩多妬
深翻在睫馬婕妤昔非勇今非怯掖庭佞兒何喋喋_{潘云用事自活}

明妃怨

莫倚朱顏好妍媸無定形莫惜黃金貴能爲身重輕_{潘云反意激語}下四句更激_{潘云}一生
不識君王面不是丹青誰引薦_{謝云說得宛曲怨而不傷}空將艷質惱君懷何似當時
不相見君王幸顧苦不早不及春風與秋草却羨蘇郎男子身猶能仗節

長安道休翻胡語入漢宮謂云又一意祇恐伶人如畫工畫工形貌尚可改何況依稀曲調中潘云古今詠明妃甚多殆無復措手處此篇新意疊出恨不使前人見之

九折坂

九折坂七尺身回車爲孝子叱馭爲忠臣孝子身爲親忠臣身爲君七尺身九折道潘云又此一轉更覺精神叱馭歸來人未老回頭試問回車翁何曾得葬琅琊草何云末句訊告年老就微而卒于道也

尚方劍

中書勢重儒臣輕天下善類皆爲朋漢家賢傳生貢氣死不再逢刀筆吏君王奮怒威莫當宮掖縱容免冠地謂云纔字妙漢家佞臣多戴頭借劍不報蕭公仇當時只問安昌侯潘云千載慨然

四知歌

故人知君君不知故人下有厚地今上有蒼旻縱不吾知兮吾心有神潘云此用原語點化說金獨何爲兮至吾門吾聞吾門兮省吾身潘云此二句直從意外生意又進一步使闇面聞此未必不懷然而起也

美新歎

昭陽禍水噴火滅
漢家老婦不姓呂

董云用事極有斟酌猶握漢符爲漢主遺民獨有襄勝存餓死不入新都門美新大夫那肯死元是五侯門下史謝云亦豈所謂自矜者乎潘云拈出此語更逃不得

兩虎鬪

中原野龍鬪未休
潘云君不見邢鄆

兩虎私鬪真龍憂雌虎爭風雄虎避龍顏一開天爲霽
句好虎鬪龍不知關中祖龍不敢欺當時豈復爭雄雌

嚴陵山

劉文叔加我足侯君房瞋我目平生若遺吾喪我有目如盲足如跛安能
城市復山林朝往暮還無不可

潘云說出上得已馬之意甚快活君不見嚴陵山水高復深誰哉更識先生心

弄潮怨

莫弄潮水深殺人莫射潮中有孝女魂

潘云屬轉痛恨魂來父與遊魂去父與沉漸能殺人身不能溺人心潮水有盈縮人心無古今謝云理到之言

斷絃曲

晨聽焦桐聲夜聞斷絃音阿女有父資家學在一槧生書五經石死給十
吏札阿女有父能八分乃遺法司徒坐上歎胡離別時哭阿女有父情情
鍾爲誰篤潘云事勝此有書何必教有女翻爲辱君看荀爽女一死萬事足潘云結更精繫

縛虎行

布將騎公將步天下紛紛可橫驚卿爲客我爲虜卿爲一言無不可叶下
邛城南繩縛虎曹公不怒劉公怒董卓丁原在何處布乎布乎嗟汝布潘云向意天成

鸚鵡曲

大兒孔文舉小兒楊德祖餘子碌碌不足數身著岑牟前擊鼓祖生狂呼
老瞞沮我辱衡衡辱我叶我欲殺之猶雀鼠一投荆再送楚黃鶴磯頭賦
鸚鵡鸚鵡才多爲舌誤潘云偶託一意自可人舉世何人不相妬生莫逢仇主簿

漢壽侯

漢壽侯義且武冠三軍振華夏叶斬仇將報知者叶身不可謂臣有主叶

伸此以抑彼耳彼
陸與呂何爲者哉

老聃不追猶有度誰其仇者吳陸呂歲十二月侯出走

叶吳人縛侯生紳虎生縛虎死猶怒髯如虬眼如炬吁嗟漢乎天不祚有
馬不踐中原土侯身雖亡神萬古

五丈原

五丈原頭動地鼓魏人畏蜀如畏虎營門不開呼者怒揮戈指天天牢漏
叶將星躋空化爲土鍊石心勞竟何補侯歸上天多舊伍羽爲前驅飛後
拒忠魂不逐降王車長衛英孫烈祖潘云表出北地王風節恨孔明不及爲之佐耳千古之恨何時消得

東門謫

上東門東羯離嘯寧馨王郎識奇兆單車快馬追不還寧知夜死排牆間
當時預恐亂天下天下蒼生竟誰誤一家三窟本身圖潘云正始年號青州非羯
還非胡何須更歎東門謫謝云蕭何之禍往往如此

南風歎

夕陽亭前車不發南風吹塵暗城闕凌雲醉客噤不言蛙聲亂起華林園
城頭麗車走轔轔洛陽少年美如玉宮中夜半牝雞啼千門萬戶皆翻覆

金墉城城近遠叶朝來暮去誰能免九原若見楊家姑應問婦來何太晚
謝云奸陰相圖往往如此豈復顧其後哉潘云貌字極有含蓄

聞雞行

城頭雞鳴聲不惡祖生夜舞司州幕南來擊楫向中流殺氣橫秋蓋幽朔
手提一劍馴兩龍潘云豪俊可人黃河以南無戰鋒十州父老皆部曲誰遣吳兒
作都督中原未清壯士死遺恨吳江半江水

晉之東

西晉盛南風競二十四友皆爲佞北師來叶東海追四十八王皆不歸前
奉觴後執盞忠臣灑淚翻就害萬里中原士馬空銅駝尚在宮門外宋家
二帝俱入金神州陸沉古猶今黃旗紫蓋渡江水碧嵩清洛愁人心晉之
東非失據宋之南竟何處潘云感慨古今

伯仁怨

呼伯仁百口累卿卿不聞伯仁出叶醉叱群奴殺諸賊卿負我我負公軍
中應對聲如鐘三言不答二賢死義未滅親先殺士潘云嚴義正辭若不見王彬
哭友不拜兄幽冥未必無知己

氏帶箭

秦鞭斷江江逆流八公草木皆爲仇山頭鶴唳爭回首城南老氏帶箭走
雄兵百萬如倒山三十年來一翻手君不見捫蝨翁遺言莫遣西師東婦
人孺子徒爲忠燕山飢鷹思弄風潘云句與事相對見之歸來但哭陽平公

五斗粟

五斗粟不屈人五株柳不出門舉世不我容上作義皇民義皇夢不見一
枕三千春潘云古意雖然似不欲更道一語

燕巢林

胡馬來飲淮浦春燕歸巢江樹潘云此說石頭城立不住狼居胥在何處耕問奴織問婢誰遣書生論兵事萬里長城元自棄生不逢檀道濟

耗狗歎

石頭城中鎮將死父忠臣兒孝子袁家小兒匿不住乳母怒門生喜殺郎
君要賊利天地鬼神須鑒汝鬪場開耗狗戲狗噬狂生如噬矢狗亦有知
能報主齊朝司空空姓褚潘云非此異事不能發此奇語

鮮卑兒

鮮卑胡漢兒是汝奴夫爲汝耕婦爲汝謝云承此二字便覺如織纏使汝溫飽相歌
呼胡爲虐彼無寧居漢土著鮮卑汝客作一匹絇一斛粟叶爲汝擊賊使
汝樂胡爲疾彼同剽掠潘云朋事協律每出天成乃知高丞相三軍主能
胡言能漢語潘云二句指胡爲爪牙漢肝膽姦雄桀驁不足數猶能虎視
中原土君不見鮮卑小兒難得更猜作胡爲爪牙漢肝膽姦雄桀驁不足數猶能虎視
共事河南行臺徵不至

高涼洗

刺史召君勿行妾不知兵能知刺史情刺史反君勿戰妾先請戰歸與君子
軍誰道軍中無婦人潘云意更好

涼風臺

涼風堂前池水赤赤星射空虹貫日解律美人生把袂死向青天待明月
潘云古意精語何云解律尤字明月此句又寄光華手執
君不見晉陽書中臨絕語曾爲樂陵求樂處
百年無罪君莫冤濟南何在是誰言不須更問華林園

歸母怨

母告兒飢不得汝食寒不得汝衣汝身榮盛吾何爲兒告母寒不見母寒

暑不見母暑死若有知應得覩齊使還周兵起天遣來來送死洛陽不殆
長安死殿前一殺數十人母身在否無兒存丁寧莫遣齊師聞潘云與辭

卑兒同評

晉州急

晉州告急君莫歸勸君更爲殺一圍晉州城陷君莫拔閭裏濃妝待時發
晉州城敗君莫退叶馬上著韙猶按轡琵琶絃絕爲何人啼聲嗚嗚春向
晨當時同生願同死各向長安作胡鬼潘云亦是本色

和士開

五雜組二美女往復來和士開不得已出刺史五雜組一簾珠往復來侍
中廬不得已降詔書五雜組娶領軍往復來賂餘珍不得已出國門潘云
用古体入新事別是一格

吳老公

吳老公薄心腸夕河南旦貞陽詐書實報恩作殃一身非魏還非梁彼窮
嶺義棄不祥公心不薄爾可忘梁家養客如養狼狼入彼室壞彼堂當時
許媾惟朱張溧陽公主誰家郎樂遊縣竹令人傷潘云老公地下聞此其

愚亦少瘳乎

長江險

長江險天可待齊三來周再至隋兵彊竟何事兵入城吾有計樓高入天
井入地生同歡娛死同避國有二嬪無一士潘云名言名也回首長江如屣棄君
不見古來人和方地利天爲吳王還魏帝潘云亦猶人意耳

姦老革

姦老革天下寧有多許賊潼關以東大有人悔不盡殺江都民民不欲多
多卽亂安得龍舟數千夫八萬君不見江都城外人圖儂那能更到丹陽
宮潘云蒙蔽之福可爲示鑑言不必盡意耳

太白行

太白經天照城闕甲光侵肌冷如鐵秦王袍沾楚王血潘云七字殆不忍
讀王沉醉之薛王沉醉不少歸矣龍恭鳳附不自由何乃棄君來事管危言逆耳誰爲謀古來
天子不觀史飾詞佞筆徒爲耳胡不自修爲謗弭

譽樹行

莫愛庭前樹一愛百譽隨潘云曲盡世態向非諫臣言不知佞者誰不知尚自可

不去安用知

潘云句緊切

甘言終

幸憐逆耳先防辱那將君王樹不及太尉足

潘云又進一步說

亡賴賊

亡賴賊逢人殺難當賊不平殺爲佳賊臨陣殺爲大將見賊殺潘云又殺是
少年作賊不愛身逢時幸作千城臣宮中一言後宮易終負先朝爲國賊

謝云脫不得此一字

机上肉

李唐天下猶有主兒欲與韋母欲武潘云姑武家廟食唐爲周唐宗肉骨皆仇讐周廷酷吏閭告密白頭司空反是實司空不死唐不亡天意豈在盧陵王中興功業回天地是司空門下吏二凶雖除五王族痛恨當年存機肉謝云樹生于不足畏往往如此況明在所可畏者哉

韓休知

內家伎樂喧歌舞外庭宰相還知否語罷封章驚在手潘云獨景惜事無不可寫君王對鏡念蒼生一身甘爲韓休瘦嗚呼曲江以後無此賢梨園羯鼓聲震天謝云說得何由再見開元年

卿勿言

卿勿言朕自思南詔覆師君不知卿勿憂朕自保范陽弄兵苦不早卿邪誰邪高與楊非姚非宋還非張有言如此尚不用豈有藥石鍼膏君不見咸陽老人能直諫何曾得晤君王面謝云噬臍何及潘云曲盡事理

腹中劍

腹中劍中自操一日不試中怒號構仇結怨身焉逃一夜十徒甘爲勞生無遺憂死餘恨謝云添一根字恨不作七十二冢藏山均謝云究極奸狀
卽精神十倍潘云謝公評後更覺精神百倍矣

青巖山

青巖山甄郎高風不可攀祿山使者封刀還入東京見黃蓋帝敕僞官階下拜鄭虔貶死王維生故人獨有蘇源明君不見舞象悲啼樂工哭賊斫工屍分象肉潘云一象雖死亦流芳千古矣此語更激

馬嵬曲

唐家國破君不守獨載蛾眉棄城走金甌器重不自持玉環墮地猶回首前星夜入紫微垣王風淨掃長安壇上皇卷甲三川外父老含悲長歎前

世間萬事多反覆自古歡娛不爲福君不見西宮露刃迎何如坡下屯兵宿

潘云此用唐体詠唐事

曳落河

曳落河雖多如我劉秩何幕中擊劙笑且歌回紇意已輕唐家朔風捲火隨塵沙叶牛車載甲空倒戈義軍四萬同日死野老痛哭陳濤斜陳濤斜爲誰哭明日上書甘放逐潘云貴胄賢者

睢陽歎

將軍有齒齦欲碎將軍有臂血成淚生爲將星死爲厲盡是山川不平氣二人同心金不利天與一城爲國蔽強兵坐擁瞋相視孝子忠臣竟誰是千載功名亦天意君不見河南節度三日至潘云死中求活亦不經人道語

河陽戰

裨將還元帥怒先取廷玉後僕固牙旗颶地高掣空將軍號令如雷風逆賊夜散潼關東元功獨冠中興中營蠅斐錦難爲忠空令憤死田神功潘云語壯而激

令公來

令公死回紇至令公來葛羅拜叶後却三軍前一騎回紇盟吐蕃退令公度量包天地君不見長安城章敬寺眼中那有軍容使謝云千載之憤安得此公藩云證得單騎事更好看

司農笏

司農手中無寸鐵奪笏擊賊賊腦裂潘云七個句惟老杜能道之近來似此者絕少賊雖未死氣已折奉天天子雙淚橫十年棄卿真負卿臣身區區勞記憶平原太守曾未識潘云委曲規諷正自動人

養兒行

朝廷養公公養兒兒爲心腹股肱誰當時意氣各相許兒不負公公負主養兒至死心不易寧不爲兒不爲賊潘云能道石意中事君不見入朝告變歸殺身此兒非養寧非真養兒身死名不腐惟有真兒心獨苦潘云并李郎心事亦道出

問中使

問中使幾日發長安老臣當死死不難中使答言從大梁至大梁賊耳胡
漢使君不見吐蕃使者中道亡相臣節度死鳳翔老姦有貌幸不揚潘云

玆三年飽食居廟堂澧州客死非人殃

侍中走

平涼壇西鼓聲吼伏兵大呼侍中走君王正喜過兵休
武將盡賀書生憂邠寧飛書夜半至西平老臣先掩涕君心多猜謀不足平涼不伏長安伏枉伐大安園土竹潘云亦守他四夷意

永貞歎

王郎索飯黃屏裏鄭州相公呼不起六街鬼魅夜闌入公門白日成官市
紛紛逐客不足嗟河東司馬文章家謝云故草朝廷在此江湖浪客河間姑用文章家世事榮枯一翻手詩翁莫賦永貞年後來何代無此賢潘云說得是

鄭歎後

鄭歎後登台司國事去嗟何爲唐之衰風不競天下紛紛并一鄭君不見宋家養士得士力無數忠賢水中廟謝云能自知不可盡取潘云舊之無人一至于此亦可以諷矣

白馬河

白馬河水深可投清邪濁邪同一流萬古不滌衣冠羞人生到此紛鴻

毛叶紛鴻毛竟何益唐之亡非此日潘云更不必著議論語

王凝妻

妾生愛身如愛玉玉可玷身不可辱生不逢魯男子潘云用事好彼氓何知妾爲恥揮刀斷臂不自謀已看此臂爲妾仇謝云意勝詞流亦其稱不恨妾身出無主但恨妾身爲婦女君不見中原將相誇男兒朝梁暮周皆逆旅謝云說得長樂翁出

十六州

契丹助晉兵一號三十萬叶晉家報契丹一數一匹絹三十萬絹未足情一十六州空棄擲遂令宋統成偏官中原以北無幽燕金元相承二百載慟哭衣冠化兜鎧至今五鎮接三邊不備西陲備東海潘云可爲作備者戒何云西陲今陝西邊地東海遼海也謂不備西陲而備東海今日之備皆當時爲之也

鎖繼恩

小事糊塗大事不糊塗繼恩一鎖成鴻圖太宗雄略絕代無武功勿顯秦王殂當時趙相非呂徒誰復糊塗如此乎潘云因此識彼宗乎善矣爲孫謀叶何

云太宗所以爲孫謀則善矣

急流還

呂丞相眼欲穿錢樞密興已翻君有輕士心臣有制命權命在我不在天
明日拂衣遊華山叶謝云有微之言不覺至此潘云請至此亦可然而

起矣

城下關

澶州城南見黃益澶州城北胡兵退南朝相公方鼾睡讒言後出功臣倚城
下一盟成禍胎孤注之說何危哉城下盟君不辱猶勝金陵與西蜀謝云
是做當時若取城下鹽縱寇不追真大錯潘云如此做便是

金陵問

王安石遜聖人熙寧天子空有神程夫子真聖徒一言非計還非諛世更
有人如此無古來君相關氣運河南不問金陵問一時言千載恨謝云可
恨尚不正此潘云此恨固自不小

崑崙戰

崑崙關頭戰骨枯龍衣裹血紅模糊軍中喧言老儂死不是彼儂安有此

將軍貴實不尚功世上安有將軍忠君不見漢皇一赦雲中守武將紛紛皆藉口潘云信然

安石工

端禮門金石刻丞相手書姦黨籍長安役者安石工不識人賢愚但識司馬公卑疎不敢預國事幸免刻名爲後累匹夫憤泣天爲悲黃門夜半來毀碑碑可毀亦可建蓋棺事久乃見不見姦黨碑但見姦臣傳謝云暗中摸索亦可識潘云此篇音節頓挫意氣激烈殆不可及結句歸爲方石再駿乃得此無遺憾矣

夾攻誤

夷狄自相圖古稱中國利邇亡金已猖金滅元愈削如何夾攻策竟蹈前車弊惜哉鶻蚌功誤爲唇齒累一誤國不支再誤國不祀咄哉宋君臣千載傷失計潘云亦是名言

奇才歎

奇才復奇才二聖一語孤臣哀孤臣哀淚如雨衆欲殺臣臣有主不然安得夢中身天上語潘云悲喜萬狀於一二語盡之蘇公有知不能不爲一

實也

兀术走

金山廟前鼓聲起江頭走却四太子紺袍玉帶墜復跳華人頓足胡兒喜
潘云画得出君不見和尚原頭走禿胡天爲中原留逆輩潘云他時再作江南圖韓公吳公還有無

兩太師

和議是塞外蒙塵走天子和議非軍前幽首送太師議和生議戰死生國
營死國恥兩太師竟誰是潘云畢竟無一是者

金字碑

金字碑從天來將軍慟哭班師迴士氣鬱怒聲如雷震三陲幽廟
已復無江淮叶營虜和壯士死潘云雖有高廟不難盡此天下事安有此潘云二字本不國之亡嗟晚矣叶何少

三字獄

朋黨譖天下惜惜不惜貶李迪三字獄天下服服不服殺武穆潘云出鬼胆
臣敗國不畏天區區物論真無權崖州一死差快意遺恨施郎馬前刺
潘云奸

參謀來

新將代舊將去參謀來寧有主受命竊不受戰參謀行貞獨斷叶宋家養
兵二百秋大功竟屬書生收翻令

愧死劉揚州
潘云揚州非真繼者備君此表見參謀功列耳

不見陝西歸來笏畫地遺恨他年

六州襄

于金贈

相門深深夜不扃百年恩重于金輕二人辭受本同情君王但賞辭金名

繢云如此舉事如彼如謝云振古如茲

嗚呼一檜死一檜

生君王孤立臣爲朋誰哉更問胡邦衡

濟陽怨

宮中快行過巷門巷中皇子心如頭燭影坐者誰殿帥掉頭聽詔詞

君爲臣臣就國
潘云此六父子幽明不相白湖州義兵翻作殃身死猶貽諫官謫濟陽冤冤不極

金大將

汝何官金大將汝何名陳和尚好可折吻可裂七尺身軀一腔血金

潘云頭是道脰
人憤泣元人誇爭願再生來我家吁嗟

爭衣冠左衽尚不恥夷狄之臣乃

如此

戚里壻

戚里壻城貴妃社內侍董丞相無
城君不知丞相出天下惑君不知

私交難共事臺兵不待章奏此丞相出
竟何國潘云結亦痛快

木綿菴

多寶閣中歡不足木綿菴前新鬼
君王不誅監押誅父讐國憤一時
云往往於此屬處見精神

哭裂膚拉腸安足論天下蒼生已無肉
撼監押死死不減元城使者空嘔血清
云恨小有恨

冬青行

高家陵孝家陵鱗骨盡蛻龍無靈
金粟俱塵沙何須更問冬青花檄
遺骼君莫悲得葬江南一杯足潘

趙承旨

趙承旨誰家子王維詩書鍾繇書
京臣臨川貢士官成均潘云翻謝敷野船

名家大儒亦如此雪樓之徒安足齒潘

云是是

劉平妻

誰謂虎力猛赤手亦可屠誰謂妾無身妾身雖在不如夫妾身與夫爭虎口生同道塗死川藪呼兒拔刀兒不怖厲聲摧山虎爲沮携夫夜歸車下宿蓐食趨程烹虎肉潘云壯志夫身有死死不孤生當爲君西擊胡謝云見成語自是用得好潘云往見四烈婦詩音韻鏗鏘氣格高古以爲奇作後始見全本首首奇絕昔人謂一人不數篇者殆不可以舉天下士也具眼者當自知之

尊經閣

尊經閣高不可攀前有文宣宮後有鍾陵山潘云似不盡意

花將軍歌

花將軍身長八尺勇絕倫從龍渡江江水渾提劍躍馬走平陸敵兵不能逼主將不敢嗔殺人如麻滿川谷徧體無一刀鎗痕太平城中三千人楚賊十萬勢欲吞將軍怒呼縛盡絕罵賊如狗狗不信潘云向險譎橫頭萬箭集如鵠將軍願死不願生作他人臣節夫人赴水死有妻不辱將軍門將軍

侍婢身姓孫

潘云其母

急妙得節會收屍葬母抱兒走爲賊俘虜隨鼠塵等兒漁家

屬漁姥

死生已分歸蒼夷誠平身歸竊兒去夜宿陶穴如生墳亂兵爭舟

不得渡

躋水不死如有神浮槎爲舟蓮爲食船紅艤如火前數語寫出空中老

父能知

津孫來抱兒達行在哭聲上徹天能聞帝呼花雲兒風骨如花雲

鏘云

豈妙出花雲二字手摩膝置泣復歎雲汝不死猶兒存兒年十五官萬

戶九原再拜君王恩忠臣節婦古稀有嬰杵尚是男兒身

潘云又英靈在世竟不朽下可爲河嶽上可爲星辰君不見金華文章石室史嗟我欲賦

豈有筆力回千鈞

潘云此篇專譚青絕而詞藻流動如珠光靈非心得于

漢漸不至此木蘭辭後何可多見司馬遷每以奇事試筆力于於此亦云

擬古出塞

五首

總戎戒行旅器仗貴堅先典衣買刀劍胡地多苦寒公家例頒與私債復相干兒出資尚可親老無盤餐罄前背面啼強語達夜闌雞鳴鼓角動上馬各據鞍潛行始出境面別情實難逢人語妻孥堂上有舅姑
軍行視旛旆聞向黃河曲相顧問姓名同伴爲骨肉星分良鄉爨月傍井陘宿民貧苦供給縣官告不足掾吏飽肥羊馬飢奴無粟營門號令肅雞

徇不敢揭起居有常節華得免笞辱

河曲二千里外險中廣夷胡兒十萬騎倏忽路無歧邊軍戒輕入壯士氣不持帷幄計深密功成任何時糧儲日不繼淹留懼愆期邊疆古有忠上將重與師吾知荷戈役生死長相隨

遜騎朝出塞胡來屢衝突我軍摧其鋒殺氣滿川窟將騎聞最齊戰勝多白骨兵家貴萬全豈足較毫髮十金買首功百金紀勳伐京軍得先陞邊卒長獨沒甲情思上達疎賤不得謁日暮獨無言岩堯見宮闕

頻年討北虜往歲征南蠻七年六出師師山無空還將軍盡封侯鐵券誓河山自本領蘊襲立在執戰班先朝麒麟西位次迥莫攀功疑古惟重此義故不刪君恩實浩蕩感泣徒潛潛諸公固當爾而我獨何顏

夜過邵伯湖

蒼蒼霧連空冉冉月晴水飄飄雙翼風光惚無定止輕帆不用楫驚浪長在耳江湖日浩蕩行役方未已鶴樓正愁絕况乃中夜起麓堂詩話註定山最愛舟舟用晴水之句余南行詩也但不著霖連空上鶴樓未熟耳

蘇軾次陳公甫韻

采藤復采藤日夕費斤斧製爲身上蓑人古衣亦古借問製者誰白沙乃
羲祖冉冉綠蓑衣蕭蕭白沙渚披蓑向江水顧影還獨語愛此勿輕捐春
江正多雨

玉堂下直

岸幘斜陽下疎林開遠山新涼灑衣袂爽氣清容顏林端見初月素彩生
雲間褰裳步花影欲動愁闌珊向來竹林遊覽到已復還寧知一畝內
若離市闈浮生且爲樂及此一日閒

平陰武愍王輓詩

十有四年秋八月巴胡笳吹塵暗城關漢家天子親出師旌旗如山令不
發將軍意氣如非熊腰間寶劍雙白虹長戈一麾四十萬六合慘澹多悲
風胡天冥冥夜飛雪將軍奮呼山石裂平生鐵石舊肝腸化作烏鵲口
血君王龍馭今在途臣身已死誰爲扶中興功業吾豈敢君王獨歸臣不
返裕陵松柏自年年臣歸神墓橋山暮英魂或助天驕起長爲狼山掃夕
烟

捕魚圖歌

貧家捕魚多用罾富家捕魚多用網貧家不如富家利一網得魚長數丈
江花夾岸江水深此時尺魚如寸金岸高罾小扳不足漁歌哀咽愁人心
家家賣魚向江浦大船小船不知數大船魚好多得錢小船悠悠竟朝暮
長沙遊子思故鄉安得坐觀江水傍買魚沽酒對明月我雖不飲強舉觴
我家海子橋西住中使餽魚長比箸居民未識忍獨嘗自倚闌干放教去
吾生有興不在魚披圖見畫已有餘無家無業豈足問但願四海赤子同
鮮腴

題丁御史同年墨竹走筆長句

浙江之東縣新昌乃在于巖萬壑之中央側身重足恐無路五步一澗十
步周君家茅堂此卜築白石叢抱青筠筍而接林薄南通塘低者出地高
出牆江南此物賤如草買種不費鍤與筐野生石迸小如指一夜風吹還
尺強煙鋤雨節歲屢改舊葉換盡新梢長青苔白石淨如掃吳紵越羅生
雪霜脫巾箕踞坐其下野叟林夫相與狂吹洞簫飛羽觴鳴玉琴舞霓裳
陰風颸颸左右至耳熱不受秋山涼醉中恍惚無定所顛倒萬籟隨官商
忽如壯士入沙場鐵騎夜蹙陰山疆不聞鼓角動但見矛戟森開張忽如

仙人來帝傍翠環金節聲鏘鏘不聞鸞鶴叫但見雲中雙鳳凰蛟龍起舞
鬼陸梁復如扁舟渡瀟湘九疑山前鵠鵠泣二女聞之雙斷腸是時驟人
醉牛醒孤棹萬里回滄浪十年宦遊隔江海此興落落何由償深知良工
心猶苦愛画不減青琳琅徃時王孟端近者夏太常二公之畫世所藏此
物胡爲在君堂君心自有百鍊剛見此意氣俱飛揚烏臺退食宴佳客看
竹不礙肩輿郎我當携琴載雙鶴坐于林間青石床

題程亞卿所藏劉進画魚

劉生亦是丹青豪近來作画無此曹平明返直呼濁醪半酣晚却宮錦袍
戲將充筆作鱗介已覺四壁生風濤風濤洶湧向何處岸闊江空起煙霧
東風一夜吹水渾翠蘆紅馨不知數桃花柳絮時吐吞輕繁亂荇交纈紛
圓光倒射日成凸滅影下漫天無痕群嬉若共衆芳狎遠逝忽與洪波奔
千形萬態極幻化倉卒逢之安可論就中鉅者稱赤鱣卓犖頗似鯨與鯢
仰窺河漢若咫尺俯視江湖如龐盆嵒巒變風雨作走天吳驅海若流雲
掣電同揮霍噴沫浮漚滿寥廓鋒鏑參差見齟齬劔戟嶧嶧頭角直遣
飛騰動鬼神寧誇震撼傾山嶽若非溟渤卽洞庭不然豈得通幽靈幽靈

浮漫入恍惚始信丹青有奇骨劉生劉生良已工誰其愛者司徒公華堂
錦軸粲盈丈髡鬍累坐我龍門中龍門高高幾許棐公画龍龍出走此物胡
爲在庭宇知公自是人中龍會向人間作霖雨玉如意金叵羅激高堂揚
練波文王在沼民共樂君子有酒吾當歌我生解詩不解画潦倒不覺雙
頰酡吁嗟乎吾當奈爾丹青何

畫松爲顧良弼主事題

画松不必真似松風骨寥與画馬同畢宏曹霸兩奇絕妙意正在阿堵中
君家素壁光如雪上有虬枝老垂鐵晚歲長同怪石寒炎天耻受高雲熱
江翻樹轉爭喧逐十步九戰何時開陰房半局山鬼嘯海水不斷天風來
城南野人頗醉古坐愛涼秋滿虛宇安得移來十丈青高價如山葉如土
知君此興廻莫攀謂予苦幹風塵間携桑載鶴招使去我家自有徂徠山

題邵容城所藏幽松圖

種松終過長十丈高雲對屋團青障中有幽人愛讀書空袍紗帽秋蕭爽
青苔白石坐移時衡門晏起獨開遲山中繁實雨初落小面垂蘿風倒吹
十年南北江湖夢野樹孤雲遞迎送此地材同新甫石多居官比藍田重

酌君美酒聽我歌東園桃花能幾何丈夫功業在晚節君今尚壯非蹉跎

蔣御醫黃頭月桂圖

一月一花開開時月常好黃頭少年何翩翩每見花間被花憫紅顏綉羽紛
歲蹉跎暖風吹春春力微芳心艷影莫相妬共保春光在近暮君不見江
花欲落江水深憑仗黃頭過江去

沈刑部所藏墨竹歌

沈郎之貌古不妍滿懷清思如湧泉手中墨竹風嫋嫋坐我一片瀟湘天
貧愁吟髮灑霜雪已覺紗帽隨風偏入道湘靈解鼓瑟此中似有泠泠絃
自古得此意蕭索中夜不敢高堂眠問誰作者夏太常平生翰墨江海傳
玉堂無人老可死此物價重黃金錢近來画竹有數家世人皆愛我不憐
我非能画却能看別有昔恩通幽玄病眼揮毫不成字小者如粟大者拳
西鄰奚老髮半白東鄰陸郎美少年清歌苦調兩不厭爲子和我滄浪篇

早朝遇雨道中卽事

長安五月霖雨多六月更急如翻河通宵到晚不得寐茅屋欲破愁嵯峨
攬衣當戶未能出却坐蓬窗聽疎密縱道君恩屢放朝端居未敢忘巾櫛

九衢燈火迷西東輕裘瘦馬隨疲童道傍行子顧且笑謂子亦在泥塗中
感渠相念不相識問之不答還匆匆如聞身是營中卒畚鍤欲赴朝天宮
古來王事稱靡盬子亦勤勞竟何補爲渠慚愧久低回雨急嚴城聽鳴鼓

荷鷺圖爲薛御史作

秋山次寥秋水闊一夜天風起蘋末萬籟凋餘錦樹空繁花落盡紅衣脫
鷗鷺鴻鵠俱無聲沙邊白鷺如有情幽禽相呼落日暝尺鯨下避寒潭消
寒潭直下幾千尺落羽回波共蕭瑟獨立遙憐海嶼青低飛不礙江雲自
詩家画格還相宜却憶江南初見時雅陶池上風雨集摩詰田中烟火遲
吾生頗似巢籠鳥十年塵土長安道萬里滄浪一片秋安得閒身此中老

題朱儀中雨圖

菰叢蒼蒼集烟渚山頭溼雲半爲雨垂蘿繞屋茅覆牆石蓀林鳩似相語
桃花落盡梅子黃南湖北泖俱茫然黃泥道路白頭浪知是江南煙水鄉
長安溽暑秋過半雨溼書牀盡糜爛三年詩逋坐盈案拂君画圖爲君歎
開門覓句無人催呼竝卷送休徘徊君看白石最深處紙背猶溼青莓苔

鯈魚圖爲掌教謝先生作

泮池雨過新水長江南鱖魚大如掌沙邊細荇時吐吞水底行雲透來往
其間種類多莫辨短者如鍼細如綫三年養得鱗甲成萬里空嗟画圖見
一官西北復巴西丹青不改鬓成絲遙憐天路飛騰塊長記春風長垂時
宦途萍水紛無迹再見此圖三歎息遠行珍重寄雙魚魚中定有長相憶

彭學士先生所藏劉進画魚

魚爲水族類最稠近時畫手安成劉生絹如雲筆如雨恍惚變態不可求
大者獨立爲豪首小者列從分奴駒翻身煦沫日弄影一一如在空中遊
風鬆霧鬢卷復散頃刻巨浪高山丘上摩虛無拂倒景下逐遠勢嶠長流
初疑衆石作九島咫尺之地皆汀洲又如然犀照牛渚海若零叫群靈愁
問渠類象誰指示或者神授非人謀画圖貴似不必似却恐有意傷離鏡
擬將天地作画笥此語吾傳蘇子由江湖渺茫隔塵土吾欲遠挂珊瑚鉤
臨淵之羨亦徒爾況乃物幻無停眸詩成日暮酒半醒蕭蕭落木高堂秋

王世賞席上題林良鷹熊圖

坡陁連延出林麓孤鷹盤孕熊蹠伏金眸耀日開蒼烟健尾捎風起平陸
由來異物乃同性意氣飛揚兩擰轟山跑野掠紛路岐何事相逢輒相肉

側睨翻疑批亢來迅步直欲空壁逐乾坤蒼茫色慘淡落木蕭颯滿空谷
群豺斂跡百鳥停萬里長空齊注目是誰画者誠崛奇筆勢似與渠爭速
坐間賓客皆起避皆下兒童駭將蹴當筵看所催索詩卷帙不待高閣東
平生搏擊非我才欲賦真愁成刻鵠微酣對此髡雙豎酒令詩籌復相督
頓令拙劣成粗豪一飲步兵三百斛

劉尚質南樓題王舜耕山水圖

溪聲潺湲雜林壑山勢蜿蜒去還却浮雲欲起未起時半在溪頭與山腳
入空高鳥飛欲盡背屋斜陽慘將落更無剩地與閒人縱有紅塵何處著
南敵老翁雙鬓斑筆法頗似高房山少年豪宕老疎放往往醉墨留人間
平生画癖兼山癖一見此圖三歎息愧我不如樓上人日日開窗看秋碧

題画鷹送羅緝熙南歸

大鷹掙綈爪決石側目高堂睨秋碧小鷹倨伏俯且窺威而不揚豈其雌
雌雄起伏各異熊意氣相看出塵墮獨立羞將衆羽群高飛怕有浮雲礙
山寒木落天始風日色慘淡川原空人間狐兔自有地慎勿反擊傷鵠鴻
画圖彷彿是誰作宛似懸牆臂間落高堂匹練長風生萬里炎荒盡幽朔

我生奇氣空嶙峋揮毫對此不無神送渠羽翼朝天去亦是雲霄得意人

徐用和侍御所藏雲山圖歌

何人醉寫雲山圖浮雲湧洞山模糊空明射地日漏影稍晝林樹開扶疏平原蒼莽不知處忽有細路通榛蕪茅堂枕山半閣水卷幔正對前峰孤幽人深居不出戶縱有鄰舍無招呼低頭把卷苦吟諷語暗不辨楚與吳中流棹歌似相答欲斷未斷聲嗚嗚雲多水闊望不見知是滄洲舊釣徒長安六月晴復雨若非塵土還泥塗城中見山如見面剛可易求形模山猶可見水莫涉尺潦豈足容長艤十年舊遊憶南國歲月催人非故吾鸚鵡洲前漢陽樹此景此詩今有無因君此圖意披豁便欲買棹遊江湖

題魯京尹所藏雙鷹圖

霜風撼撼空林響朔氣隨空入蕭爽兩鷹意氣殊絕群俯視平川如一掌玄雲著樹凝不飛野日照地寒無燠搜身欲下不肯下但覺深山狐兔稀丹青落手翩然活轉上驚看錦條脫江湖浩蕩烟水深萬里陽臺渺天末時維八月炎暑空兩鷹獨立如爭雄周旋九絃隘八極此意豈在風塵中知公有才非搏擊我意亦欲辭樊籠祇應共逐鸞鷺去去上丹山十二重

題陸寬瘦竹卷

江南陸郎瘦於竹種竹城東王河曲未論千尺勢能長剛道兩竿軒也足
恥隨桃李鬪芳腴祇芙蓉松杉伴幽獨茅茨可奈霜雪冷韋布不受風塵辱
平生幽賞底須多愛此清風不盈掬絕勝長安酒肉徒醺花礲月空迷復
近從画竹得篆法坐對涼陰刻寒玉終教筆硬可通神目賞骨多能勝肉

金本清太僕生

墨竹篆書皆絕俗莫言汝瘦不如渠好爲

名家繼清躅

題画二首

霜枯古樹秋颭颭枝間老猿罷騰踏戲將長臂撲遊蜂半似相欺半相狎
岡巒高下路東西由來異類不同棲應憐野徑穿花去不作空山抱樹啼
君不見場中有巢房有密共趁園林好風日丁寧慎勿采桃花留結山中
千歲寶

玄猿倦向青林坐聲斷長空碧雲破林間疎網落蜘蛛正向連巒掌中躋
絲輕臂軟如不勝欲掣未掣還騰騰極知物性解人意應向画圖觀世情
山來異類有強弱幸是相逢不相虐猶勝虛堂萬縷絲無數飛蟲挂簷角

畫禽

高棲野雀低飛燕長在峰頭與溪面竹鷄啼徹雨初晴山腳泥深路如綫
崖根老樹回餘青樹間雙飛閒無聲祇應識得山中樂無復人間送喜情

四禽圖

櫻枝老樹幽巖裏山鷗雙棲掉長尾高鳴俯搨勢不停似向春風矜瓜筭
山頭錦雞金作冠身披五采成斑爛遠從紅日霽時見更向碧山深處看
人言此物真絕特同是山禽不同格休將綠水照毛衣恐桃李妨顏色
空山雨過枇杷樹黃顆纏繫不知數金衣公子正多情驚墮金丸欲飛去
海榴花殘紅子新沙上鳬鶯來往頻每從水淺花深處遙見隔花臨水人
山禽關關水禽諳脉脉幽期似相許莫負天晴日煖時一春江上多風雨
碧林紅葉驚飛鳥江上秋風下來早雁去鴻辭煙水空蒹葭落盡芙蓉老
原頭鵠鵠如有知應憐歲暮得同棲枝間競勝聲不住應憶春園初降時
山林動物各有託野雉分明出叢薄見說豐年少網羅低飛不羈飛樂
江南山深冬日暖湖冰無澌湖水滿幽林晚徑斷人行落盡梅花春不管
山茶花發爭芳菲翠翎蠟觜相光輝煙生錦嶼寒猶戀雪滿銀塘夜未歸

跋林落羽紛凌亂回首青霄各分散溪上鴛鴦獨有情春來冬去長爲伴

題畫

風林不定驚枝裏上有脩翎兩山鳥溪邊獨鷺短絲垂影落晴波秋絲
鶩鶩鵝鵠似爭春錦毛繡翼相鮮新寒鳥數點寂相背頗學山翁避貴人
山鷄兩翼花如剪未勝鵝群嬌宛轉曲水亭前路有無黃陵廟下湖深淺
窮崖老樹猿倒懸彼何色者白與玄山中麝子未生角錯立不知誰後前世間飛走各有性詩人自古歌魚鳥莫將藻繪作物假此物自是無聲篇

悼竹

園南舊植千竿綠高者如牆大如屋風狂雨急牆屋翻欹折叢低芟傾覆
忽驚舞罷鴻門會怒斗紛紛碎蒼玉復似驪山墜石餘數百書生塵阤谷
初疑鳳羽墮當空更訝龍身在陸翠落瓊飛不復完頓使泥沙汙人目
憶昔新移近水隈瘦骨稜層不盈束晨澆恐被風日燥晚護幸免霜雪酷
十年長養成亦艱一旦摧頽勢何速我時夜半驚水至崛起蒼黃問僮僕
彼駛不識人意勞祗顧囊衣與饑粟觀裏桃花何足論堂前柏樹猶堪錄
無家更欲買山林有徑誰當伴松菊前軒好竹只數个頗覺幽懷看未足

春來擬欲探萌芽蒼苔慎勿迷雙躅

左闕雪後行古柏下有作

長安城中雨成雪退食衝寒過東闕蒼然古柏勢橫空數尺盤擎成百折
玉龍戰罷纏碧綃流涎噴沫凝不飄仙人掌上露初凍五老峯頭木未消
飛花拂面吹還轉步屨穿林印猶淺鶴氅衣輕動欲翻水精簾重寒初捲
風骨昂藏裏出塵假如佩玉袍長紳須知世有後凋質元是仙家不老身

題夏仲昭墨竹橫卷蓋陳緝熙先生故物也

崑山夏老能筆耕開雲種玉看嶠嶢千條萬葉入霄漢世間草木空有名
來持琅玕叶聞闕坐使蘚石無光晶北人貴竹如貴玉直以高價酬丹青
衡開丈幅直踰咫不見枝梢見根柢恍疑湘浦推蓬行處雨驚牋過雙耳
九疑山高望不極影落洞庭清徹底靈賴時來天樂風釣竿不動珊瑚水
珊瑚水冷魚龍藏此翁一去魂茫茫江山有神故物在環珮無聲涼夜長
東吳老子圖書散南國諸生思未忘重向玉堂脩竹譜須將偃竹記貫管

學士栢

翰林後堂有二柏竹巖柯先生所種也東陽承詔受業今三十

年相已鬱然而先生棄滿生久矣間出題諫諸吉士弋陽汪侯抑之有一日百匝行樹底之句悵然感之因衍爲一篇以識不忘

我行樹陰日千匝兩葉風枝自蕭疏惟有諸生識我情傍人不解空嘲狎
我見先生種樹年我身尚短樹及肩枝蟠江山水可縮手幹造化天無權
瓊臺翠閣何森爽院柳庭花敢爭長蛇蔭長留六月陰盤迴直與孤雲上
材堪五鳳難爲用根到九泉終不枉零落青袍幾故人琮琤玉佩空遺響
當時院長文安公柯亭劉井相西東百年遺愛豈獨此此樹欲比人中龍
樹猶如此我何似已愧班白非兒童名收棟桷有先後壽比金石無終窮
下堂再拜想顏色仰面正拂長髯風

四禽圖

鶲鵠色不如鸚鵡強向筵前學人語網羅西下隴山空羽毛雖佳不如汝
鐵衣金觜雙雕櫨世間無處無弓繒試聽內苑籠中語空諱猶忙六字名
珊瑚出海海見底誰掣長竿臨海水黑風驅霧卷冥濛化作禽飛向空起
北人未熟南禽名嶺外方言如鳥聲由來珍異非國寶須識君王印貢情

金堤柳色黃於酒枝上黃鸝嬌勝柳歌聲宛轉色娉婷種種春光無不有
春來何遲去何速回首紅顏憶騎竹急須携酒聽黃鸝莫待楊花牀入目
春山潑黛青淋漓山際春禽雙画眉山光物色兩濃淡苦欲問春春不知
古來尤物皆成怪誰遣山禽入圖画西京兆今不歸林郎爲了風流債

畫鷺

半枝詰屈高枝舉小鷺低回大鷺怒殺

森森動碧寥千山落葉紛無數
雲霄意緊風霜姿傲睨六合無雄此夢

迷東海未歸路興在秋原初下時

吁嗟乎巢有羽兮穴有肉莫遣鶴鸞空

測目

題

沈啓南所藏郭忠恕雪霽江

口圖真蹟

洛陽老狂眼雙白揮豪醉呼聲裂帛手持造化奪天工頃刻雲煙變朝夕
有時點染入毫忽決皆未須論寸尺平看側脫部位勻疊見層分了無隔
更開篆法書絕倫二物殊科乃同格前才合是顏平原骨蛇空山雨無迹

事傳忠恕正解君看雪霽江行圖杳若張帆向空碧沙明水淨天地闊遠
樹平川晴歷歷兩舟供載百物具細者銖藏鉅山積老稚相看宛有情備
工僕夫皆受職世間画手自有數此狂一去難再得宣和舊物出內局書

瘦筋印方石風塵湏洞河洛空流落江南歲三百天球河圖廟不守微
物猶關世因革富家珍襲何足論終作貲兒一朝食姑蘇沈郎亦好奇袖
裏黃金輕一擲定知仙筆可通神恐有六丁隨霧靈桓玄竊取吾所笑一
刀爲君頻拂拭還君頗覺未忘情摹本爲子君莫惜

長江行

大江西來是何年奔流直下岷山巔長風一萬里吹破鴻濛天天開地闢
萬物苗五嶽四瀆皆森然帝遣長江作南瀆直與天地相周旋是時共工
怒觸天柱折遂使后土東南偏女媧補天不補地山崩谷罅漏百川有崇
之叟狂而顛坐看萬國赤子淪深淵帝祐怒罰乃罪神禹來乘四載驅大
章走堅亥黃龍夾舟穩不驚直送馳波到東海朝離巴峽暮洞庭九派却
轉潯陽城繁紜南徐萬餘里更萬餘里逆蓬瀛君不見黃河之水天上下
其大如股空縱橫長游清濟出中境曷敢南向爭權衡千流萬派瑣瑣不足
數雖有吐納無虧盈下亘厚地上摩高空白日月出沒蛟龍所宮奇形異
態不可以物象但見變化無終窮或如重胎抱混沌或如頤氣閑穹窿或
如織女拖素練或如天馬馳風驥空山怒哮飽後虎巨鋒下飲渴死虹或

如軒轅鑄九鼎大治鼓動洪爐風或如夸父逐三足曳杖狂走無西東或
如甲兵宵馳聚嘯滿山谷或如神鬼晝露萬象出入虛無中吁嗟乎長江
胡爲若茲雄人不識無乃造化之奇功天開九州十有二山南北竝峙江
流其間堯舜都冀方三苗尚爲頑隕帝倚天歎征吳但空還吁嗟乎長江
其險不可攀古來英雄必南驚我祖開基自江渡古來建國惟中原我宗
坐制東南藩如知天險不足恃惟有聖德可以通乾坤長江來自西極包
人寰環帝宅我來何爲爲觀國汎吳濤航楚澤笑張騫悲祖述壯神功歌
聖德聖德浩蕩如江波千秋萬歲同山河而我無才竟若何吁嗟乎聊爲

擊節長江歌

風雨歎吳江舟中作

壬辰七月壬子日大風東來吹海溢崢嶸巨浪高比山水底長鯨作人立
愁雲壓地溼不翻六合慘澹迷乾坤陰陽九道錯白黑烏兔不敢東西奔
里人蒼黃神屢變三十年前未曾見正統甲戌東村西舍喧呼遍牒書走報
州與縣山延谷洶豺虎嗥萬木盡拔乘波濤洲沉島滅無所逃頃刻性命
輕鴻毛我方停舟在江皇披衣踞床夜復晝忽掩青袍涕雙透舉頭觀天

列朝詩集丙一
悲天漏此時憂國況思家不覺紅顏坐凋瘦潼關以西兵氣多胡笳吹塵
塵滿河安得一洗空干戈不然獨破杜陵屋猶能不廢嘯與歌世間萬事
不得意天寒歲暮空蹉跎嗚呼奈爾蒼生何

夜過仲家淺閣

日維乙未月丙戌青天無雲月東出舟入喧逐夜濤發翻沙轉石紛出沒
是時水淺舟在地岸門崔嵬畫方閉牌官醉睡夫走藏倉卒招呼百無計
民船棄死爭赴暉械倒檣推動交碎舟人號咷乞性命十里呼聲震天地
我時兀坐驚脊撞攬衣而起心彷徨同行無人僕隸散獨與船月相低昂
攀崖陟磴不得上咫尺如在天一方流行坎止信有數向來蔑視淮與江
霜風欺人衣袂薄呼童酌酒累數觴燈殘酒醒暉亦過北斗暗地天茫茫
徐州洪蘇墨亭書坡老石刻後有序

郡守蘇軾山人張天驥詩僧道潛月中遊題名十六字在徐州
百步洪岸石石半入水水落轉眼間光沙沫間嵩師漁人不能
識而崖石險絕又非大夫士所暇尋覩者故於世無傳焉成化
壬辰子過徐放舟洪下冒險岸行偶見此字嘗爲詩紀之又八

年庚子予與沈馬羅君明仲校文南巒歸工部主事尹廷用襄
理洪事邀坐蘇墨亭則此石已爲君所伐致置之亭壁矣因與
明仲各賦一詩遺尹君留之亭中九月望日

我昔彭城初泊舟岸行百步觀洪流手披荒蘚看古石上有坡翁舊時刻
沙衙水齧四百年字並半滅風神全我行見此三歎息此物乃在風塵間
冬曹尹君真好事自掃峴巖攀蒼翠山靈助喜河伯愁白日驅珠照平地
孤亭潔壁高巖從登堂見字如見翁山人在前僧在後尚憶扁舟遊月中
崖端刻頌唐宗業水底沉碑杜預功直將談笑爲故事似與百戰爭豪雄
高才直節古今少片石價比千金同由來一代不幾見況我異世懷高蹤
馮君一搨數千本徧使四海揚清風

墜馬後東齋文明給事長句并呈同游諸君子

我在黃門夜燕歸徑驅健馬疾若飛馬蹄翻空身躋地豈獨塵土沾人衣
徒行却叩黃門宅主翁醉睡驚倒屐東軒大床許借我筋骨屈強眠不得
二郎擁臂下中庭左曳右擎蹒跚行西隣乞藥走僮僕東家貰酒來瓶罍
大郎慰問不停口以手慰抑重復輕黃門對床卧答語獨夜沉沉何限情

黃門朝回我起坐南屏潘郎跨驥過西臺騎馬隨東曹復有同官兩寮佐
周郎哭子涕未乾聞疾赴予如拯晴群嗟衆喧增我憂獨喜南屏向予賀
憶當躋馬城東阿前有深渠後坡陁置身隙地不盈丈或有神鬼相攜譯
茲行未必不爲福對酒盡醉且復歌詩成臂病不能寫黃門健筆如操戈
庭空客散日在戶夜踏肩興代你步道逢東曹送我歸舉袂却之猶返顧
入門強作歡笑聲實悲哀顏驚之父閉門穩卧病經月幸見間官寡嘗獨
高吟朗諷猶舌存欹坐乞書書屢誤故人入坐時起迎拄杖徐行轉愁仆
黃門父子時過問愛我情多豈干助平生骨肉欣戚同世上悠悠幾行路
宦途更險似有數躋馬爲君今兩度作詩病起謝黃門各係千金向遲暮

文敬墜馬用予韻見遺再和一首

我馬西行東客歸心落日爭分飛長安城中一掌地顛倒鞭蹠隨裳衣
君時別向中書宅兩日吾門斷雙屐寧知心忽相遭怪事驚從武昌得
東曹舊就尚書庭當階跛曳止復行曲身正自憑几杖伸臂強可持杯器
拳如崔家獨足驚風雨不動垂絲輕誰其夢此包獨苦吾荷武昌無限情
四當軒前花下坐病足蹒跚爲花過詩才與時應方爭酒興鄉心復相佐

歸來病劇吟愈工作勢猶疑馬前蹠故將奇事發高懷衆口慰君君自賀
憶當散髮林中阿掃石自坐青盤迤肩行板興步筇竹左塵右箋隨鹿何
風檣浪楫見亦慣倉卒不廢歌與歌誰令冠屨執鶴策頓覺平地生鋒戈
安樂窩中長閉戶萬事茫然入惟步如何物理異人情蹠輒有時猶却顧
羊家臂折登三公塞上憚傷歡老父定知時運迭乘除或者神靈可籍簿
南人漫作知章嘲北客善騎寧免誤嗟予亦是長安人二十年來幾顛仆
向來病臥苦岑寂劇飲豪吟賴君助言酬德報理則然況是前車覆同路
世間蹠者亦無數共說郎官好風度卽看走馬何亨衢莫待驅馳歲云暮

文敬携豐韻詩見過且督再和去後急就一首

苦欲留君君又歸翩然上馬力欲飛與君未罄連夕話復遣僮僕牽君衣
問君墜卧城東宅病足幾時能著屐倉皇不肯戒前車道上泥深行豈得
君時坐笑嘗空庭笑予亦怯泥塗行有如醉者醉初醒戒客不遣操磚甃
當時我悔不子戒我足子肩誰重輕世間豈獨我與子慎勿苟促傷高情
黃門筵中客滿座回首光陰如鳥過宦途顛蹶亦有之不見黃門已州佐
人言官重不如身我身幸全何害蹠自斷吉凶皆付天不須重問梁丘賀

聞君此語唯復阿如病得疋逢扁陀亦知身世等夢幻實恐名教遭譏訶
孫贖朋膝尚酣戰幼興折齒還高歌何如樂正一傷足憂心抱痛如剝戈
君方大笑復出戶五十漫勞喧百步試教鮑老復當場豈免狐疑更狼顧
昔聞達奚走奔馬曾說此兒還此父吾曹豈是馳驅才自合儒官守文簿
前言戲君君不知極辯爲子無乃誤今宵且作風月談莫更塵途論興亡
君歸我坐時獨吟頗覺詩成少神助知君此興正不淺却似輕車隨熟路
歌長韻險亦有數我已三廢君兩度急須走筆償我逋莫道詩來天已暮

得文徵雙塔寺和章招之不至四聲韻奉答

問君朝回胡不歸西馳急脚走若飛云承部檄籍戎伍歲給績布頒冬衣
浮圖東望瑜伽宅尺地西垣懶迴侵祗應官事了癡兒怪底可人招不得
想當岸幘坐公庭東曹號令方風行直窮妙思入權度豈有暇日消盤罷
栖遲鞅掌自有地向來笑口未可輕閒官飽食太倉粟使我刺促難爲情
埋頭日向書堆坐歲月都將病中過久知筋力負驅馳我已愧子郎官佐
今年騎馬復病目目病雖輕不如蹠併拋筆硯委塵埃且免墓諛兼夏賀
兩旬面壁西簷阿禪心不動如祇陀門前索文如索債遜謝不敢加嗔訶

官稽私負兩不辦爲君重和騎

歌興來作字大如掌眼睛僅辨點與戈

塵多路長不出戶繭足還思蹕
卧無小吏驚報衙行受嬌兒解隨又擬借東曹度支手記取玉堂風月簿
從知身病是閒時病裏不閒誠大誤嗟子病起身亦健又被君詩壓將什

我兼二病君但一寧不少留爲我明知君尚有逸駕才我馬毛竹當避路
七擒八克古有數白戰共君今幾度我歌又竟君不來欲效魯陽揮日暮

若虛詩來欲平馬訟五疊韻答若虛并東文敬佩之

馮郎蹠馬長安歸身病在床思奮飛我時病蹕忽兩月幾度爲渠驚倒衣
邵郎近蹠橋頭宅右足獨拳愁躡屐三人蹠馬渠最傷畢竟蹠同誰失得
天涯書屋東曹庭詩筒絡繹東西行木綠詩蹠不爲酒玉山自倒非金罍
馮郎談虎色獨變閉口不問重與輕吾宗白洲不蹠馬亦作蹠語真多情
喧爭浪謔兩當坐頗覺風流成罪過向來曲直未分明旁引諸家爲證佐
訟當坐人不坐馬勝負在詩寧在蹠馮郎欲作旁觀人負汝何悲勝何賀
白洲老吏直不阿手持三尺無坡陀欲令虞芮成禮讓不遺秦趙相譏訶
不然健訟化勍敵祇恐吳儂圍楚歌南山一判不可改昨夜東壇聞止戈

詩家紛紜各門戶爾我不須分跬步世間夷險自有途驃騏駉駘竟誰顧
古來相馬獨孫陽有子分明不如父白洲乃欲賣我馬却付東鄰酒家簿
人雖千慮有一失我馬雖駑亦應誤君看三馬二馬良馮馬最良先我仆
白洲有馬跨健彊縱免蹄傷爲盜助詩成我亦判渠歸良馬勿與駑爭路
佳辰美景亦有數莫遺閒情艷襟度急呼邵李招馮郎下馬共醉西湖暮

讀柳拱之員外嚴宗哲主事楊應寧舍人倡和長句戲次韻一首

詩壇森嚴陞復楯白戰雄呼氣難忍西鄰有客興亦酣睥睨重闔目雙盼
居然地隔如秦越或者神交同白犢故知宮角本諧聲復恐圓方不相準
向來蹇鈍費鞭策已分驚駘謝駢牝灰餘萬念偶一生腐木經秋發孤菌
諸君才力各彌健東飛俊鵠西飛隼擬隨磅礴共盤旋弱羽真愁向空噴
霜天閉門坐不出背擁寒爐曲成蚓強呵凍墨吟小詩力困冰毫如荷盾
枯腸夜渴吻亦乾纓短瓶空誰爲引回首不如年少時滿堂坐客誇聰敏
韓公道德日已負后山精力空應盡逢場作戲亦偶然不覺詩成爲韻窘
文章同時不易得三傑古稱吳富尹君今竝是湖南英鄉邑吾猶限封畛
閭官未免鉛槧累戶外催逋時接軫長歌終曲誰使子歌罷獨吟還自哂

石鼓歌

昔聞石鼓在太學，鼓形穹窿石犧_辟。髫年釋褐隨班行，未識研單與揚搘。
始官翰林戲分獻，晚以代祀觀尤數。我思古人不可見，健筆雄詞兩超卓。
宣王謨烈繼成康，況有文章存古朴。是時風俗蓋渾濁，其臣并誦俱堅確。
勒功太廟告中興，講武岐陽猶獵較。于時旋凱奏饒歌，子時晨言播聲樂。
靈祇地不愛圖書，列石天然謝雕琢。垂天垂股折屋漏，痕隱昏星露芒角。
初如淮徐振師旅，壯士當場鳴劙槊。又如申甫端冠紳，擴相時增舞于箭。
年深歲長世運改，誰向鴻荒究繆邈。蘿剝以後無此文，直與混沌分清濁。
驟看筆勢尋風骨，細剔苔痕認斑駁。原拋野擲晴櫛營，冬經雪霜夏水雹。
疑墮大鼎存銘識，似毀明堂露棖桷。當時十鼓一爲白，猶幸農家事春鼓。
愛惜應勞神護訶，搜尋不厭山礎砌。暗中摸索亦可知，辨口尚煩泣楚璞。
聖朝天子方好儒，森列戟門護重帷。聞之興慕且興敬，以手摩挲防擊撲。
我生學篆希前蹤，下視俗書羞齷齪。家藏舊本出梨棗，楮墨輕虛不盈握。
行年七十始研求，老臂支撑目昏眊。拾殘補缺能幾何，以一涓埃裨海撤。
太原宋生生好奇，鐵筆爲子親刻斬吁嗟。往者不復還，庶免方來盡漫剏。

請從祭酒告諸生誦此衣冠日薰灌

列朝詩集

丙集第一終

列朝詩集

丙集第二

李少師東陽今體詩一百九

十首

覽子光先八首

謝侍郎鐸一十二首

張修撰泰四十首

陸太常武三十六首

李少師東陽

孝宗皇帝挽歌詞十首

此日真何日陰雲掩上台晦宮天色變嗚咽水聲哀舊恨齊山獻遺恩徧
艸萊萬方同一慟痛哭轉成雷聖德同天縱皇圖與日升乾鑿中斷絕坤軸乍崩騰攀蓋辭雙闕河山謾
六陵生成真罔報攀送竟何能

恭已同虞帝祗台比夏王內疚數長彼蒼何邦弔民物共擁窮聖道通三極王言似六經面開大日表書作虎龍形祀國憂方劇華胥夢不醒萬年金匱在遺訓炳丹青

鶴髮承顏日龍樓問寢辰廟同奉養九廟極精禋孝可通金石誠能動

鬼神微稱高萬代垂憲及千春

畎畝蒼生念閭閻白屋情資

時晏日露禱必深更歲旱憂疑獄天寒憫

戎兵尚遺寬卹詔朝野共在聲

極意窮幽隱虛懷仰治平近臣

常造膝闈老不呼名道合君臣義恩深父

子情化機元不偶天意竟何成

玉几終宵坐形闕徹曉通孫謀

像中此身真隔世地下倘相從

思祖訓家教託儲宮天語丁寧際龍顏

海宇熙平日乾坤夢幻間虹流

始華渚龍卧已橋山堯莢驚新換湘筠憶

舊璫翠華天上去無路可追攀

靈駕歸何處茂陵西更西日輪

埋地軸雲路隔天梯月迥鳴鑾靜山圍簇

仗齊玄宮松栢裏瞻望轉淒迷

南京謁李陵有述

禮樂千年會腥羶四海空商周終愧德唐漢敢論功鳳臍歸真統龍山繞
舊宮秋風霸陵樹落日禹湖弓萬國謳歌在餘生覆載中小臣瞻拜地江

漢亦朝東

重謁李陵有述

龍虎諸山會車書萬國同星躔環斗極王氣繞江東地湧神宮出橋分御水通丹爐晨隱霧石馬夜嘶風日月無私照乾坤仰聖功十年瞻望地雲樹鬱葱葱

胡忠安公輓詩四十韻

文廟臨朝日英皇復辟年我公台鼎貴臣職始終全舊錫恩榮榜仍居侍從員皂囊繁出入形陛儼周旋擾擾群疑會皇墨四牡篇路應窮地軸歲屢變星躔公後奉命巡行四年曉謁班留笋宵歸炬擁蓮至今天上語不遺外人傳少海礪波定金縢密疏處論功同李泌辱命豈張騫南國非旁郡東寮亦左遷獻陵治睿想宣室問遺賢典禮煩杏岳爲舟憶濟川廟廊資治理帷幄贊兵權討逆東平漢從征北過燕從容陳俎豆談笑却戈鋌仗鉞風塵際留司雨露邊兩曹兼掌握三少累登延紫誥蛟龍織珍蓋玳瑁筵篆分銀印細花簇錦袍鮮采戲城西第桑麻海上田雲霄三接近優遇一時專綠野家山在丹心聖主憐桂冠雙鳳闕端櫂五湖船老子元知足陶

朱不受錢弟兄頭總白賓客戶常聞面受婁公唾身無董氏弦恩魚隨網
散馴犬上堦眠公有大當庭卧出入必避之碑板尋常見鑿方次第詮甕留京口釀餅
引惠山泉奏愬堂何愧忠安謚有焉相台秋正坼卿月夜虛圓與骨殊凡
品前身本解蟬公即言人也浮生過九十空界出三千海內文章伯人間
富貴仙姓名兒女說簪笏子孫聯桃李當時盛陵孽後代連高山嗟仰止
先輩已茫然日月居諸裏江湖涕淚前賦詩禪國史詎有筆如椽

立春日

車駕詣南郊

暖香和露繞蓬萊彩仗迎春曉殿開北斗舊杓依歲轉南郊佳氣隔城來
雲行複道龍隨輶霧散仙壇日滿臺不似漢家還五畤甘泉誰羨校書才

元日早朝

九門深掩禁城春香霧籠街不動塵玉帳寒更傳虎衛形樓曉色聽鶴人
簾前樂應紅燈起階下班隨綵仗陳朝散東華看霽日午焰晴市一時新

雪後早朝

六日長安雪滿城五更鐘鼓一時晴水精宮冷雲猶凍鶴樓高月正明
朝馬不嘶金勒靜院燈無影玉堂清微感天上寒如許憊底人間夢不成

元日早朝

紫殿朱闈白玉坡天風吹樂下雲和城頭星斗知春早苑外旌旗拂曙多
郊祀喜晴有述

碧消烟盡露華凝日極瑤壇集九層清珮緩隨馳道月絳籠高懸午門燈
郊祀時刻大鑾龍輿正陽門燈相應風傳廣樂聲初下天近燔柴氣已升人意可占神意悅
萬年靈祚永堪膺

十八日聽傳臚有作

金蓮影與赭袍明華蓋前頭次第行第一行黃紙數行丹詔字鴻臚三唱甲科名
雲邊曉日中天見夢裏春雷昨夜聲歸向長安聽人語聖朝羅網盡豪英

十九日恩榮宴席上作

蹀躞花簪送酒頻清朝盛事及嘉辰星辰晝下尚書履風日晴宜進士巾
勗撤漢科三日戰苑看唐樹九曲春丹心未老將頭白猶是當年獻策身

賜韞

秋向名花看画闌忽驚仙骨在泥塗輕同握手愁先碎細比餐冰聽却無

郭北芳菲懷故里江南風物憶西湖此夜消應盡未羨金蓮與玉壺

院中卽事

硯冰呵墨印開封獨坐高簷落葉中籌唱有聲催短日鑿披無力禦長風
羸驥向晚還思秣老鶴曉寒欲返空适羨玉堂諸院長酒杯能綠火能紅

分獻次青谿太宰韻時

丁卯分得星辰二是日立春

星壇對立本聯班複磴憑空不易攀良久夜方移斗柄早時春已到人間
朱旗影隔天門靜玉佩聲隨闌道還舊日同年今並命共從光霽識威顏

齋居和舜客侍讀院署見寄韻

綠槐庭館坐春風十九年前此興同未老身猶書卷裏不眠人在漏聲中
大鵬南去雲連海群鶴西飛月就空燈火憶君連夕話不勝幽思滿齋宮

齋居和世賞編修韻

半夜開門雪滿坡清吟無柰玉人何人間路與紅塵隔天上春隨翠辇過
電吹下時神語寂瓊樓高處曉鶯多笙簧本是慶廷樂不爲秋風起棹歌

大行皇帝輓歌辭二首

北闕南都象鑄豐我皇身自際時雍祇應龍種如高帝何止虹髯似太宗

艸木有情皆長養乾坤無地不包容因忠二十年前事長端仙班侍九重
聖朝偃武修文日共道王言似六經宋史重施新衣鉞孔庭增節舊邊鋤
垂衣共仰升龍象賜墨皆成翥鳳形回首茂陵松柏樹春來還向裕陵青

五月七日泰陵忌晨

二首

曾上鑾坡侍玉堂朝衣新惹御袍香傳宣煖閣在奉天門後天顏近奏近平臺

在中左門

午漏長化國有人悲短夢幽都無地仰餘光從容顧命分明語一

日傷心淚萬行

祕殿深嚴聖語溫十年前是一乾坤孤臣林壑餘生在帝里金湯舊業存
舜殿南風難解悵漢陵西望欲銷魂年年此日無窮恨風雨瀟瀟獨閉門

答奚元啟次韻

詩老龍門畫不闢東壇西社幾人還看君秀筆何曾住笑我高眠盡日閒
實怕行塵多似雨更憐官馬瘦如山無因一見春風面空把清詩對病顏

黃土道中李貞外同年畱宿

雨澹荒溪野水昏蕭條鞍馬入空村平沙問渡逢漁子深樹聞鐘隔寺門
白飯青芻非舊主細泉嘉果得名園東曹一榻分燈意夜下虛庭白露繁

九峰書屋和曹時和韻

江上艸亭新卜築已聞揚子著書成每逢社日聊隨俗久住青山却有情
霜入晚松經歲老雨繁春笋過鄰生小堂若許臨江閣杖屨無須疋馬迎

次韻答邵戶部文敬

葛巾芒屨坐題詩紙欠江邊一釣線藥檢舊囊書欲遍夢回春枕事多遺
人情更與新年別艸色寧知要路私獨在巒簾深處望西山無數雨晴時

和若虛郎中贈行韻

赤日黃塵馬倦行石橋山店有官程城頭路盡千峰隔袖裏詩來兩腋清
蟬雜柳風秋漸遠鶴翻松露夜還驚欲知小吏將詩意記取柴門剝啄聲
與顧天錫夜話和留別韻時天錫謫永州府同知

路轉三湘去更深潞河西岸淛東溟潛鱗自足波濤地別馬長懷秣飼心
湘女廟前山似黛柳公亭下石如林徵科亦是公家事民力江南恐未禁

和韻寄答陳汝彌掌教

寂寞天涯歎所依海風江月意俱違茱萸歲改身仍健苜蓿秋荒馬不肥
白雪屢傳新調寡青雲半覺舊人非家山不隔長安路應倚南樓望夕暉

遊城西故趙尚書果園與蕭文明李士常陳玉汝潘時用倡和四

首

漫憶江湖萬里遊。西園風景似南州。青苔地濕頻經雨。白苧涼生不待秋。
塵事已醒前日夢。歲華空白幾人頭。松醪載得渾拚醉。莫遣飛花浪作愁。
官曹無計可招尋。坐愛林風滿素襟。醉後頗思醒酒石。曾來猶覓買山金。
花蹊柳徑稀疎見。茗盃冰壺次第斟。欲問五陵歌舞地。幾家園極得成陰。
句入西園字字清。葛衣紗帽稱閒行。苔侵翠壁應全徧。果熟青林已暗生。
流水斷堤人共遠。片雲孤鳥意俱輕。閒官愛說山中話。爲有歸田錄未成。
殘樽繫馬立斜陽。忽送秋聲滿樹涼。花落始知留客久。雨來偏爲作詩忙。
山堂竹戶寒猶閉。石徑苔泥滑不妨。獨有園人愛沾灑。不隨僮僕問歸裝。
予素不善飲。文明詩來有生涯。爛醉欲人扶。之句且以二樽見惠。
步韻答之。

夢斷高陽舊酒徒。坐驚神語落虛無。若教對飲應差勝。縱使微醺不用扶。
往事分明成一笑。遠情珍重得雙壺。次公亦是醒狂客。幸未龐豪比灌夫。
飲士常新居和席上聯句韵

寂寞官曹似隱居清風時動一床書
花應旋種欄將滿客不頻來席尚虛
詩好忽薦傳錦字酒狂真欲換金魚多情愧有東鄰卜已辦城西欸段車
遊白秉德西園次韻

行逐溪流過野亭望疑山色繞空冥池魚自躍非因餌園蝶還飛不受局
傍渚幽花憐寂寞舞風疎柳愛娉婷郎君門地清如水不待平泉石已醒
次韻體齋病起見寄

坐倚孤筇卧擁衾重門未放野寒侵疑蛇已辨杯中影病鶴長懷海上心
詩多以來應漸釋方書驗後懶重尋燈前細認銀釣筆不待平安報好音
雲後飲胡彥超冬官歸疊席上韻

馬蹄衝雪叩君門坐愛飛花撲酒尊簾未卷時先作陣屐曾來處已無痕
寒苔葉落蛛絲墮老樹巢傾鶴夢翻今夕定知何夕是好風明月未堪論
和王世賞韻

石門惟許白雲留我亦何心戀此遊竹裏行廚烟未午水邊蕭寺葉先秋
行覓覓句忘吹帽醉怯登高不上樓詩景滿前誰會得野僧名是遠公流
邵東曹墮馬傷足次武昌韻

十年雙足躡詞場我亦憐君墜後傷歷塊敢誇千里俊乘船
織笑四明狂扶頓老僕空隨路學仆嬌兒更倚堂應似崔家亭下鶯獨
眷秋雨向寒塘

次韵賀彭閣老先生二首

吏部銜清帶翰林路隨仙步轉高深人間別有登雲地天下空勞仰斗心瀛海新波添夜雨玉堂喬木長春陰歸來更覺門如水不受草平點侵半生名行重儒林吏隱官曹歲月深文靖舊無旋馬地敏中元有耐官心川原煖入三春雨殿閣涼分六月陰欲效禹偁書院壁向來官序敢相侵

次韵答愧齋先生

歷歷星霜歲屢移病來雙鬢幾莖絲故人別久翻疑夢往事心勞尚有期天上浮雲初變日江南芳艸未青時祇應千里神交地不識人間是路岐

次韵寄題鏡川先生後樂園二首

藥欄花圃背堂開一日朝回幾度來范老心終念廊廟寇公家不起樓臺海邊釣石鷗盟遠松下棋聲鶴夢回多少舊題詩句在碧紗籠底認青苔綠陰繁處小堂開野蝶園蜂自去來細艸有情雙駐屐遠山無數一登臺幽花生愛裁時滿俗客空教到後回病起三年猶未賞短垣多雨長莓苔

次夏提學韻

衣袖歸時雨盡沾臥聞涼葉響虛簷鳥情幽寂將依樹苔意黃綠欲上簾
靜裏紙應閒尚在病來長與懶相兼讀書自笑成何事細取蟲魚幾字添

得匏菴觀造雨寫詩輒次韻

結縛親勞較短長棟材應不棄餘良平分屋角三重溜巧借簷陰二尺涼
闌外青山猶可送簾前紫燕莫愁妨從今穩作城東客雨笠烟蓑不用將

佩之饋石首魚有詩次韻奉謝

夜網初收曉市開黃魚無數一時來風流不鬪尊絲品軟爛偏宜豆乳堆
碧盤分香憐冷冽金鱗出浪想崔嵬高堂正憶東鄰送詩句情多不易裁

謝原博惠笋疊前韻

翠籠青筍一時開爲有清風竹巷來原博居修竹巷池鳳羽毛應比秀穉龍鱗甲
漫成堆被材有派分洋谷衲錦無心鬪馬嵬莫笑北人曾煮筍久從湘客

問烹裁

佩之惠筍乾自稱玉版老師謂原博冬筍爲吳山少俊疊韻奉謝
玉版山深石路開東軒真被籠盛來飽諳南國烟霞味不入長安酒肉堆

老覺禪心終苦淡瘦看詩骨共崔嵬叢林年少休相笑脫却緇衣更懶裁

謝子喬送楊柳乾無詩用前韻奉索

深夜柴門闔更開楊梅香送滿颺來霜乾淺帶層冰結紅爛紛成萬粟堆
坐愛春盤裝荔落憶從秋樹採崔嵬莫教俗却先生饋佳句重煩蒼後誠

寄應寧提學用留別韻

天上詞垣近省閑十年毛羽愛追飛南池水煖鷗重化西華鳳高雁未歸
絕足風塵須獨步初心道德肯相違網羅剩有求才意未放山林老布衣

代石留別用前韻

鈍質親勞琢更鏤又隨筐篚過旁州相逢却有搏沙恨欲往先防見玉羞
体齋家玉印君義比金誰合斷我心非水亦分流如聞翰苑將移篆齊以新秋
蓄文願與鈴封一處收

用韻答邃菴

嶽麓峰前湘水陰思端無計豁襟亦知吳越非吾土未必功名是我心
地上青山隨處有鏡中華髮逐年深故人只在鄰州住空谷他時聽足音

用韻答邵國賢

種樹長安不作陰幽居何處解冠襟閑逢北客論山價老向南枝識鳥心
江水縱平終是險惠峰雖好未爲深祇應棹入荆溪去遙聽吳歌答楚音

陵祀婦得賜煖耳詩和方石韻四首時和者頗衆類爲騎字所苦

烏紗巾上透涼颸一髮君恩力未辭賜煖宮貂同日戴冒寒郊馬有人騎

耳聞明主如絲詔心似窮民挾曠時明向玉階還再拜羔羊重續退公詩

輕華弄日暖含飈短髮蒙茸亂不辭狐掩敝裘慚並價馬驕寒影怯初騎

寧同趙服隨胡制不似齊冠汙肉時寄語春風莫吹却多情長誦感恩詩

拂面寒生雪後颶十金貂價豈容辭鵝鵠解戎冠着狐貉空隨獮馬騎

禮重郿人歌鼠日功多楊子拔毛時君恩不與炎亦變欲和唐宮賜爲詩

午門晴旭颶輕颶拜領溫綸竟莫辭八座敢誇三珥貴千金不換五花騎

休論孟德頭風事絕勝楊侯耳熟時老去毛君頭未秃玉堂開寫賜貂詩

厓山大忠祠二首

國亡不廢君臣義莫道祥興是靖康奔走耻隨燕道路死生惟有宋冠裳
天南星斗空淪落水底魚龍欲奮揚此恨到今猶不極厓山東下海茫茫
宋家行在日南遷虜騎長驅百萬鞭潮海有靈翻佑賊江流非暫枉稱天

廟堂遺恨和戎策宗社深恩養士年千古中華須雪耻我皇親爲掃腥膻

聞狼山捷

北風吹捲洞庭波飛舸還經孟瀆河今日勝兵方有算向來遺孽本無多
中宵驛使傳書捷兩岸歡聲入棹歌聞說西南猶轉戰幾時甘雨洗天戈

京都十景

錄八首

瑣島春雲

瑤峰獨立倚空蒼雲去雲來兩不妨旋逐春寒生苑樹更隨時日度宮牆
玉皇居處重樓擁太史占時五色光若與山龍同作繪也須能補舜衣裳

太液晴波

太液池頭春水生更無風雨只宜晴鳥飛不動朱旛影魚躍時礪綵泄聲
天上銀河非舊路人間瀛海是虛名何如周圃開靈沼長與君王樂治平

居庸疊翠

劖戟森嚴虎豹蹲直從開闢見乾坤山連列郡趨東海地擁層城壯北門
萬里朔風須却避千年王氣鎮長存磨崖擬刻燕然頌聖德神功未易論

蘿門烟樹

列傳集卷二
八
薊丘城外訪遺蹟樹色烟光遠更重飛雨過時青未了落花殘處綠還濃路迷南郭將三里望斷西林有數峰坐久不知遲日霽隔溪僧寺午時鐘

盧溝曉月

霜落桑乾水未枯曉空雲盡月輪孤一林燈影稀還見十里川光澹欲無不斷鄰鷄催短夢頻來征馬識長途石欄橋上時翹首應傍清虛憶帝都

金臺夕照

往事虛傳郭隗宮荒臺半倚夕陽中迴光寂寂千山歛落影蕭蕭萬樹空飛鳥亂隨天上下婦人競指路西東黃金莫問招賢地一代衣冠此會同

南園秋風

別苑臨城輦路開天風昨夜起官槐秋隨萬馬嘶空至曉送千旛拂地來落雁遠驚雲外浦飛鷺欲下水邊臺宸遊膚藻年年事況有長楊侍從才

東郊時雨

鳴鳩將雨過東林細艸青郊望轉深潤入土膏春脉脈暝含山色晝沉沉尋花問柳遊人興荷鉢扶翠野老心見說帝城多景物春晴未必勝春陰

河燈

火裏蓮花水上開亂紅深綠共徘徊紛如列宿時時出宛似流觴曲曲來色界本知空有相恒河休歎劫成灰憑君莫詬然犀牛底魚龍或見猜

橫塘春水

君家住在橫塘北長見洲邊春水生窈窕斜通山澗曲分明直與釣磯平比鄰鵝鴨應無數近渚鳬鷺亦有情明日看花到南岸小舟搖蕩不須撑

圓墩秋月

庾亮樓前月正明謝公墩上雨初晴清光照我雙吟鬢此夜懷人萬里情隔竹流螢看不見繞枝羈鳥宿還驚天涯一望鄉心切腸斷秋山笛裏聲

梅澗

地僻沙寒水更清老梅偏向澗邊橫風吹落瓣仍低隕石壓傍枝却倒生野鶴對人輕欲舞蹇驅衝雪瘦能行山翁只在山中老看盡春光不入城

題敷五菊屏

先生深卧菊花叢曲几圍屏杳冥通本爲紅塵辭俗眼豈因多病怯秋風交情盡付炎涼外身計聊憑吏隱中相遇不嫌憔悴質抵應風味與君同

體齋西軒觀玉簪花偶作

小園紓步玉堂陰堂下花開白玉簪浥露餘香猶帶濕出泥幽意敢辭深
冰霜自與孤高色風雨長懷采掇心醉後相思不相見月庭如水正難尋
風雨種竹以下次陳錦衣延興韻

石欄沙路雨聲乾爲欠蕭蕭一兩竿深帶土膏從地底暝移茅屋過江于方於辰日依時種影待晴天拂翠看試倚蓬窓聽疎密布袍沾盡不知寒夜窗聽雨

瀟瀟殘雨入深更半灑疎窗半拂楹芳艸池塘應有夢落花庭院不勝情聽疑野寺昏鐘遠望憶江船夜火明明日曉晴須出郭葛衣藜杖一時輕柳岸垂綸

釣魚磯上晚風多拂拂垂楊渺渺波行過酒家來別岸坐移林影下前坡聊將短日供長線又見新絛綰舊蓑老去祇應家在此不須盤石更垂蘿

參徑楊花

漠漠楊花帶遠天舞如輕雪糁地濕似沾前夜雨日斜猶颶隔溪烟春光到此真須惜莫愛床頭沽酒錢

幽懷四首

雨深門巷半蒼苔。十日幽懷夢酒杯。尚藉驅除力。詩債慙非應。
坐着幽意滿青苔。雨徑烟扉濕。爲園每課山僮業。弄筆先憐稚。

墻根老樹碧生苔。門掩疎簾一長堤隔水疑無路。瘦馬衝泥急。
懶携行杖踏莓苔。寂寂殘樽對雨。開闊口抵應心。拗語閒門休問客。
幽居有道堪藏拙。巧宦逢時亦不才。朝往暮歸緣底事。祇須形影自相偕。

自笑

敲肉聲寒不出樓。一燈無語照春愁。蒼茫却醒并州夢。寥落真停漢水舟。

事偶隨人艱。自笑句非知已戒。輕投閉門只合昏。昏醉強飲無過一盞休。

卜居一首東南屏

目下園亭秋氣陰。故人相見暫開襟。買田陽羨蘇公計。客舍并州賈島心。

老至尚誇詩力健。病回猶怯酒杯深。歸來謾作鐙前話。却喜妻兒是賞音。

九日盆菊盛開將出郭

有作

未開剛道官閒忙。又惜偶教身健病還來。

各才猶有舊堂堪。繫馬水邊鷗將莫驚猜。

不開藥裹半封塵。未掃棋聲欲定鳥還來。

子才我瘦不緣詩。思苦騷人相見勿頻猜。

半開巖影乍晴雲。欲散雷聲忽動雨還來。

不才朝往暮歸緣底事。祇須形影自相偕。

雨開開口抵應心。拗語閒門休問客誰來。

自才試問白頭冠。蓋地幾人相見絕嫌猜。

買得長安擔上秋
南山只在屋西頭
花開正好逢佳節
身病那堪復遠遊

昨夜月明空對酒
晚來風急怕登樓
多情重有燈前約
爲報花神作意留

重經西涯

缺岸危橋斷復行
野人相見不通名
轆轤聲裏田田水
楊柳枝頭樹鶯
胥竹東林無舊主
買山南國有新盟
不知城外春多少
芳艸晴烟已滿城

再經西涯

拂樹穿雲二里堤
綠陰深處鵝鳩啼
背城古路車塵少
隔岸人家酒幔低
清愛野僧來紫衲
醉扶童子當青藜
相逢却恐知名姓
不向慈恩寺裏題

重經西涯

渺渺平田水滿湖
早秋天氣雨晴初
灘聲赴壑如相競
鳥影凌空半欲無
未采蘋花憐寂寞
旋栽松樹見扶疎
經過自與行吟約
未覺何顚此興孤

西山和許廷冕

劉時雍江時用三兵部韻四首

鑑泉鱗石照無泥
細艸青蒲意欲齊
寂寂坐溪看雨到
亭亭駐勒近鶯啼
社中詩友驚頻換
湖上山名問不迷
興發便須呼筆忙
酒酣歌倒雁行題
春流曲折去還來
細路榮迴合更開
花落幽人愁未到
日斜歸鳥併相催

祇園紺老雙林樹古洞青緣半壁苔紅袖碧籠俱寂寞新詩讀罷重憐才
幾家烟火隔林微林下相逢盡衲衣老樹欹危當野徑片雲輕薄駐駕扉
金床寶刹無年歲碧海紅塵有化機可待白頭欣欵步松木倦已知非
半嶺香臺石磴斜諸空縹渺送天花新開塔寺雄西郭作賜經幢出內家
避暑亭前泉帶雨回龍殿下水明霞太平天子無巡幸頭白山僧誦法華

西山三首

日日車塵馬足間夢魂連夜到西山近郊地在翻成遠出郭身來始是閒
雲裏盡胸看縹渺溪邊洗耳聽潺湲秋風忽散城頭雨先爲遊人一解顏
下馬溪橋散步行暑風絲紵入林清村般野飯匆匆發碧水青山面面的
踏盡平堤憐艸綠到來幽谷見雲生西湖勝事年年別幾日愁多不出城
望盡孤雲入杳冥翠微深處一茅亭高臺地迥秋先至古榻僧閒晝亦窟
詩思更隨流水遠醉魂還爲碧山醒憑虛試徵凌雲調應有遊人下界聽

己亥中元陪祀山陵道中奉和楊學士先生韻四首

十年三赴四陵朝又逐諸公一舉鑣龍尾道曠回輦近馬蹄塵送入山遙
天開野色川原淨日出城頭霧雨消無數晚花秋樹裏未須風物向春饒

夜深燈火下齋宮路轉西巖却向東四塞河山今古在諸陵雲霧往來同
烟叢簇簇溪藤暗秋葉蕭蕭嶺樹紅獨愧兩都詞賦手玉堂椽筆待名公
馬頭殘夢不成酣似覺薰風爲指南官燭罷燒猶有月朝衣初脫尚餘嵐
回鞭懶赴城東宴揮麈聊同石上談記得曩時曾宿地翠微深處禪菴
路盡郵亭始入京水村山郭幾經行逢人借屋寧知姓信馬題詩不記程
沙浦鴈回風忽斷石梁魚落水初清瓊樓合在層霄外莫遣微雲綴月明

春興

八首

塵沙無日不春陰伏枕偏驚抱病心憂國暗催青髮改避名翻愛碧山深
水禽聲動寒猶咽風柳條長弱未禁客去客來門自掩老夫渾欲謝冠簪
柳絲花片滿芳洲長爲溪山感舊遊急雨過窗醉短夢驚風入樹攬離愁
歸帆欲掛三江水病脚難登百尺樓老去不知春興減向來一月罷梳頭
高歌曾扣隔江船楚泛吳遊興渺然山寺礙鐘眠裏月洞庭春水坐中天
翠龍鸞鵝空愁思碧海鯨魚幾歲年一語故人三歎息始知清廟有朱絃
病懷愁緒冗難裁空望單于萬里臺月落平沙南鴈下雪殘荒戍北花開
關山遠帶風塵色閨幄誰當節制才胡馬不肥春艸細過河消息幾時來

六年書詔掌泥封紫閣春深近九重
堦日煖思吟芍藥水風香憶種芙蓉
登臺未買千金駿補袞難成五色龍
身病益愁愁轉病老來歸思十分濃
帝城芳意入春濃快馬輕車處處逢
官樹巧藏鶯百轉苑雲深護月千重
愁來擬斷杯中物病起還支石上筇
得似玉堂風月地少時遊賞幾從容

瘦山西望接平坡平坡名足馬雙童幾度過十載衣冠舊少五更風雨夢魂

多湖邊漁榜驚鷗鳥樹裏僧房隱薜蘿飛盡桃花還燕子一年春事竟如

何

小疊峰巒淺作池幽堂長是見春遲
風傳翠篠聲先到雨換青松葉未知
江上帆檣經幾駐城南第宅已三移
君恩若放山林去始是雲霄得意時

病中言懷

四首

三年病後強趨朝又擁重門卧寂寥
夢繞千山心不定枕欹雙臂力全消
籠燈月暗疑無影園雪風稀未滿條
睡起忽然忘握手不勝愁鬢晚飄蕭
瓦爐初冷更添香更漏沉沉月轉廊
身老病隨年共至愁多心與夜爭長
塵縕倦拂時防蠹壠樹新移尚怯霜
自笑閒情緣底在向來公事已全荒
身病何如目病難極知昏眊勝衰殘
愁來強闋東門淚老去從欹杜甫冠

新酒縱篤仍斷飲好書雖借懶開看枕邊莫道無餘事猶有詩成字未安
門掩疎籬雪滿池夜寒惟有病先知水輪影薄當窗近竹葉聲稀到枕遲
三徑業荒秋去後十年心苦夢醒時一身經濟元無術醫國如今合付誰

郊行二首東張遂逸親家

樓頭鐘鼓報新晴又是城南一度行剛得閒時身已老未曾經處路猶生
平沙遠水如江色落葉疏林似雨聲欲問郊園幽寂地野橋山寺不知名
芒鞋隨意踏青莎一日溪頭幾度過高樹夕陽人影亂斷橋幽澗水聲多
思鄉擬作東都賦遠俗猶聞隔院歌不向晚涼移席坐好懷佳賞柰君何

是日溪林爲俗客所據別席避之向夕一賞而罷

遊岳麓寺

危峰高瞰楚江干路在羊腸第幾盤萬樹松杉雙徑合四山風雨一憎寒
平沙淺艸連天在落日孤城隔水看薊北湘南俱在眼鷗鵠聲裏獨凭欄

與趙夢麟靖人遊甘露寺

澗深巒峻杉處處通野寒吹雨墮空濛垂藤路繞千年石老鶴巢傾半夜風
淮浦樹來江口斷金陵潮落海門空關書未報三邊捷萬里中原一望中

泛南池有懷南溪聖公

輕舟別浦路迢遙危石虛亭影動搖雲去好山爭入座雨來新水欲平橋
多情留客空杯酒舊事傷心但柳條今日我來還我去小山叢桂竟誰招

次王古直哭兆先韻東方石二首

劉道人琴一夜亡故人明日報哀章才如卞玉元居楚業比童烏不姓楊
華表城頭真浪語千將地下有遺光画圖指點超庭事恨殺多情杜古狂
極知世事如春夢不信人生是畫遊今日眼晝埋玉樹當年心許撞烟樓
空煩挂劍來吳季却悔藏書似鄆侯回首西湖湖上水一時和淚共東流

聞孔氏女至

南風吹送北河舟有女東來慰白頭病裏心情無那老別來風景又經秋
鵲聲報日書先到雨脚乾時淚始收預想離程還在眼難將一笑解千憂

寄莊定山

六峰東面一江橫此老迹名竟得名山屋到秋驚雨破野舟終日任潮生
消愁物已杯中辨得意詩還枕上成三十年前携手地寺門斜月晚鐘聲

寄莊孔暘二首

買斷溪南十頃烟，還家無復夢。朝天身如元亮歸，田日詩似東坡過。
嶺年蓬島謫來仙骨在，釣臺高處客星懸。十年未洗紅塵耳，誰聽清風石上絃。

背郭誅茆艸，蓋堂邊江種柳。樹爲墻，舟中夢醒聞春雨。樓上詩成坐夕陽，
南紀壯遊餘歲月。北扉遺艸舊封章，清時例有逃名客。見說嚴陵本姓莊。

送李提學若虛侯僉憲公矩

十載同官別，更同一朝分。送兩青驄湖南使節，經江右浙上行船過。那東
面帶冰霜生朔氣，手栽桃李待春風。他年冠佩還朝地，誰奏天曹第一功。
送儲靜夫主事之南京吏部兼寄夏廷章

萬里晴空一鵠飛，野雲溪雪避光輝。不應銀海妨迴櫂，未許緇塵得上衣。
南國地誇山水麗，東曹官愛簿書稀。多情定與吾鄉彦，石假峰前詠落暉。
送范秋官以貞謫鳳翔判得貞字吏部擬謫廣南特改茲郡

早聞長策動楓宸，十載郎官謫命新。家遠漫爲秦嶺客，恩深不作播州人。
一身且向閒時病，萬事還從定後真。蕭索都齋山樹裏，坐看黃葉漸回春。

送唐都憲出鎮薊州諸關

居庸東下接榆關，千尺層城萬仞山。秋有桑麻生事足，夜無烽火戍樓閒。

帳前貔虎知嚴令歲晚風霜識壯顏略試一方經濟手歸來重補舊朝班

送蔣宗誼推官之金華

北來南去幾星霜又見分符出帝鄉三入越山身更遠重遊京國夢難忘

也知吏法兼詩老未必才名與命妨臺省祇今須俊傑晉騎馳馬問豺狼

聞劉東山司馬致仕之命是日得謝方石祭酒到家日所寄詩感而有作

十年兩度送君歸聽說鄉山興欲飛歲久見孫頭肉變日長賓客往來稀
上橋着板道樵徑老樹盤根作釣磯強欲相從無舊業定於何處解朝衣

木齋先生將登舟以詩見寄次韻二首

十年黃閣掌絲綸共作先朝顧命臣天外冥鴻君得志池邊蹲鳳我何人
官曹入夢還如昨世路論交半是新仄枕欹帆何日定茫茫塵海正無津
暫從中秘輟絲綸同是羔羊退食臣偶爲庭花留坐客豈知宮樹管離人
杯餘尚覺情難盡棋罷驚看局又新極目春明門外路扁舟明日定天津

東山先生有兩廣之命奉寄

聽漏西堂黯不眠憶君如在夜燈前可堪環堵三年病又上南州萬里船

縮手未閒終坐巧踰垣欲避轉愁偏行藏在我今須識縱不由人也屬天

少保商先生壽七十

白頭歸老荷君恩一代勳名衆所尊自古年華稀七袞本朝科甲重三元

海中仙子長生錄洛下先生獨樂園怪見台光映東壁郎官又侍紫微垣

哭商愁衡侍講

科甲文章有父風詞林接武更誰同講經春殿爐煙煖校藝秋闈燭影紅

門閥並高緣有弟頭顱未白早稱翁生年五十還非天不道人間是夢中

哭青谿倪太宰先生

握手藤床肉未寒重來不覺淚汎瀾山川一代英靈盡人物三朝作養難

班史舊編家繼有山公新啟世傳看平生愛國憂民意仕路誰堪語肺肝

再哭青谿

海內衣冠失老成夢中精爽尚平生杏園醉後千花擁柳院歸時一字行

舊事蒼黃空過眼暮年幽獨轉傷情不須更作三同會又聽城西薤露聲

時體齋亦已捐館

章恭毅公輓詩

極知天下無難事聞道先朝有直臣萬死不輸三寸舌一生誰是百年身
英靈地已歸河嶽遺神天應護鬼神欲殉朱雲惜時劍九原重軒負恩人

楊武選

輓詩

楊名仕偉文敏公之孫謫台州通判卒于途其妾建安朱氏遺使乞詩

十載長安夢未醒離堂風雨思冥冥書隨洛下舟中大身逐台南水上萍
衛國精靈應寂寞郭家池館半凋零寡妻稚子銜哀意誰作張良死後銘

蘇臺曲

五首

秋水光於黛新妝愛日斜隔溪深不語孤櫂入菱花

并深香徑合花冷屢廊空惟有吳宮水春城四面通

樓臺春後掩環珮月中行莫上胥門望寒潮昨夜生

國亡身亦虜却載五湖槎借問西施女何如張麗華

張王舊時宮零落數枝柳不是春風生芳菲詎能久

西湖曲

五首

湖波綠如剪美人照青眼一夜愁正深春風爲吹淺
不信湖中好儂身別有家翻愁歲華盡不敢采蓮花
風落平沙滔滔垂別渚蓮西湖三百畝強半富兒田

艸碧明沙際花紅試雨初官船盪素槳驚散一雙魚
莫唱西湖曲湖邊歌舞稀餽家年少日遊冶誤芳菲

主簪花

昨夜花神出蕙宮綠雲裊裊不禁風粧成試照池邊影祇恐搔頭落水中

題趙仲穆挾彈圖

東風挾彈小城春遊騎飛轆不動塵道上相逢休借問衛家兄弟霍家親

綠囊方底殿屏東密使潛書晝夜通落盡仙桃春不管更教雙燕舞西風
此詩爲萬昭德而作

燕

繡戶朱簾有路岐別時嫌早到嫌遲主家只解憐毛羽沈盡雕梁不自知
柯敬仲墨竹

莫將画竹論難易剛道繁難簡更難君看蕭蕭祇數葉滿堂風雨不勝寒

黃鶯

鶯花如雪滿春城始聽東風第一聲夢裏江南舊時路隔溪煙雨未分明

春園雜詩四首

桔槔庭邊非我家，城南小園綠水車。
直恐此身終是客，門前有地不栽花。
庭下猶猴如小兒，攀花折果不停時。
爲憐野意厭羈隔，放著林間高樹枝。
手插河邊楊柳枝，眼看成樹復成絲。
不見雪花飛滿地，豈知春去已多時。
病來無力與春爭，眉盡花開艷又生。
莫道東君不識面，舊紅新綠也關情。

漫興

四首

縱酒由來不愛身，吟詩對局總傷神。
若教此事渾拋却，枉作山林解殺人。
井口轆轤聞水聲，園中菜畦渾欲平。
呼童引水放教去，一夜池頭蛙亂鳴。
老眼昏花懶看書，猶將朱墨校蟲魚。
閒心自是難拋得，拋得閒心便有餘。
衡嶽山高鴻雁稀，荆溪水深魚蟹肥。
此身若問歸何處，我已無家何處歸。

茶陵竹枝歌

十首

溪南溪北樹繁廻洞口，桃花幾度開。
楓子鬼來天作雨，雲陽仙去水鳴雷。
楊柳深深桑葉新，田家兒女樂芳春。
封羊擊豕禳瘟鬼，擊鼓焚香賽土神。
銀燭金盃映綺堂，呼兒擊鼓膾肥羊。
青衫黃帽挿花去，知是東家新婦郎。
綠鬟釵釦雙髻螺，青裙高繫小紅靴。
阿婆舊是茶城女，教得娃兒能楚歌。

拍東風燕子寒。卷簾花絮若爲看。夜深雨脚何曾睡。春水平於養鴨欄。
餽飼蒸藜郎。插田勸郎休上販茶船。郎在田中暮相見。乘船去是何年。
春盡田家郎未歸。小池涼雨試綿衣。困桑綠罷織初孰。野麥青時雉始飛。
白紙黃墳野艸生。柳烟桐火照清明。楚娥不識_秋。輕_秋戲雨兩沙頭。接臂行。
渚蘭汀芷不勝春。極浦遙山豈解顰。誰在長安_端花柳山中閒。殺採芳人。
溪上春流亂石多。勸郎償勿浪經過。莫道茶陵水清淺。年來平地亦風波。

長沙竹枝歌十首

三十六
海灣對灣人家多住白茅間。直過洞庭三百里。長沙城北是_丹關。
南船北船滿洞庭。蕭公祠前_性酒鑿。二妃枉作君王后。君看君山山自青。
汨羅江頭春水生。汨羅江上楚歌聲。人間若解_三聞苦水底魚龍亦有情。
馬殷宮前江水流。定王臺下暮雲收。有井猶名賈太傅。無人不祭李潭州。
江頭彩旗耀日明。船上_過鼓不停聲。湖南樂事君記取。五月五日潭州城。
潭州城邊多野田。黃茅白蘚遠連天。莫言楚國無生理。敵地如今倍直錢。
湘江女兒愁落暉。湘江江上鵝鴨飛。行人試看君山竹。竹不成班君始歸。
戎門旌節擁高臺。軍士南邊戍未回。紅巾小兒齊擊鼓。知是官船江上來。

湘江水深天下清何如
蘭頭秋月明離人到此不得離
况是高樓吹笛聲
長沙少年無柰春青衫白面不生塵
勸君莫向湘潭江燕啣泥解沈人

李秀才兆先

兆先字徵伯西厓先生之子也生十餘歲能爲歌詩古文驚其長老以蔭
爲國子生年二十七而夭天子爲致賻焉娶五經博士潘辰之女亦能

詩後徵伯六年卒

送人

南國騷人憶薜蘿每逢尊酒一酣歌隔年鄉信春前至入夜啼心夢裏過
舊路漸隨燕樹遠故山偏傍越溪多陽和到處流澌盛時送東風與碧波

送李士綸南還

碧水長衫映黑頭歸時還及洞庭秋家山別後無鄉信霄漢從來有壯遊
漸我屋廬占上國送君魂夢繞中洲東園甘旨堪供養正值西風白稻秋

漫興

小園散步暫徘徊黯靄陰雲去復來深樹欲秋黃落葉斷皆經雨碧生苔
頻搔短髮和愁亂靜掩蓬門待客開無限幽懷酣醉裏日華亭午夢初回

春日答所知

艸堂無事起常遲，閒愛逢春靜愛詩。
十日濃陰常帶雨，一池空碧漫生漪。
青圓院柳鶯猶澁，開到園花蝶未知。
三尺短牆君共我，韶光如此合分誰。

絕句四首

酒家高樓臨水邊，門前柳枝好繫船。
北人過來醉一回，南人住此又經年。
堤上茅房已可憐，中流無家更泊船。
去住彼此兩不同，日落荒城生暝烟。
行人折柳寄相思，又見春風換故枝。
若問無情閒歲月，恰是新條未出時。
秋來賈客淚沾巾，路艸牆花各自春。
莫向中流歌楚詞，舟中多是贛州人。

謝侍郎鐸

鐸字鳴治台之太平人。天順八年進士。選庶吉士。授編修。歷官南京國子祭酒。移疾歸。復起爲禮部侍郎。兼祭酒。正德三年致仕。卒謚文肅。李西涯曰：謝方石出自東南人。始未之知。在翰林學詩時。自立程課。限一月爲一體。如此月讀古詩。則凡院課及應答諸作。皆古詩也。故其所就沉著堅定。非口耳所到。旣其老也。每出一詩。必令予指疵。不指不已。予有所質。亦頃心應之。必使盡力。予嘗作厓山詩。一聯渠意不滿予。以爲無可易。渠笑曰：

觀子胸中似不^止此最後曰廟堂遺恨和戎策宗社
曰微我子不至此予又爲端禮門樂府以爲末句未
躍然而起二公同年同館凡十餘年輯其聯句倡和
公當國謝自田間再起而唱酬不異往日又有後集
承平詞館優閒無事以文字爲職業而先輩道義之
具見于此因錄詩而及之亦可以三歎也

次儒珍韻

莞海東頭去路賒獨乘羸馬到君家十年夢裡相尋處依舊青山兩岸花

病中有懷呈十五叔父

夕陽西下隔秋陰三徑門前舊竹林無復驚塵隨別夢獨憐多病損閒心
絕交書在從人棄漫興詩成每自吟此路近來休更問欲將青鬢謝朝簪

題扇面寄郭筠心

建水南行舊路斜石橋青竹野人家相思不及雙飛鳥紅雨溪頭又落花
長信詞

芍藥春深映曲欄海棠枝上雨初殘合歡扇在君須記莫放秋風一夜寒

新寒

十月風高冷欲凝近陽樓閣怯先登渾河水落初嘗騎潛驛星馳已報水
上將駢麾還筆札內庭恩渥但金縉深愁薄力知何頓濁酒新寒漫不勝

病中懷黃世顯李賓之

十日高眠晝起遲緩尋方藥得中醫不才豈是官无事多病惟應志未衰
門巷雪深妨過馬江湖歲晚益多岐衣冠論說今如此舊簡殘燈亦自疑

古木寒鴉圖

懸崖老樹如懸藤虬枝屈鐵相峻嶒陰風晝號不作雨衆鳥辟易爭奔崩
寒鴉何來色悲壯兩兩枝頭屹相向仰參寥廓失孤疑熟視烟雲欲狼抗
有時飛上朝陽殿許身願逐雕梁燕朝陽老鳳噤不鳴鶴種鷄鴉紛斥譴
君不見江都日暮楊柳花至今腐艸羞啼鴉

有旨百官帶暖耳陸庶子廉伯限韵用東西涯

九陞門深障曉颺煖寒初致感恩辭爭先敢藻偷狐手附有出請神中者再拜真
同賜馬騎掩耳功高知不世績昭名在愧乘時炎涼幾作班姬扇戀戀誰
存贈別詩予瞻有別

湯婆次韻

老來無復念專房淨掃蛾眉只素盤提甕未能忘出汲抱衾空自然中腸
守宮分在聊隨例園窮恩深豈有常一點貞心祇如水不妨人世幾炎涼

邸報

北窗幽夢正逡巡忽聽南來邸報頻鳴馬一空還立仗震雷百里尚驚人
癡心敢自渾忘世浪跡猶憐未絕塵感慨不知圖報地白頭羞殺老詞臣

四月十二日科道官悉建詔獄

拔船

拔船又報五更開浪靜風恬亦快哉歸路早知如此穩尊艤未熟已歸來

次西涯春興韻

雲滿青山水滿池可堪歸思轉遲遲光榮在我真何益愧負平生祇自知
閒憶野芳春興減坐憐庭樹午陰移路岐堪恨還堪笑病骨生從未老時

張修撰泰

泰字亨父太倉人天順人年進士選庶吉士授簡討遷修撰卒年四十有
九亨父爲人坦率絕去姪岸恬淡自守獨喜爲詩雖不學書亦翩翩可喜

李西涯序其滄洲詩集曰先生於文無所不能而必工于詩繖手迅筆寥
莫能及及其凝神注思窮深驚遠一字一句寧翻然而不苟用晚乃益爲
沈著高簡之辭而盡歛其峭拔奔洶之勢蓋將極乎古人而不意其遽止
也亨父之詩其見推于西涯而惜之如此唐元薦論本朝之詩曰弘治間
藝苑則以李懷麓張滄洲爲赤幟而和之者或流于率易在當時蓋以李
張並稱今長沙爲臺閣之冠而亨父之名知之者或鮮矣人不可以無年
信哉

傷春曲

東風吹春染柳條晴花捲雪烘不消陌頭小輩輕遙綠波無情漫藍橋
小雨生寒暖猶薄盡日無眠倚朱闕昨夜梨雲入夢香腰肢舞困鞦韆索

春寒曲

休
纏索上顛風生儂家小院寒輕輕柳眼低徊曉庭碧花顏欲破春無情
半捲朱簾羅袖薄芳塵妬繡窗間落安得巫山十二屏飛入瑤臺設香幕

河仙謡

銀河迢迢界秋昊碧沙兩岸生瑠坤冰輪半浸練影寒兔杵聲乾桂花老

錦雞宮對烏鵲橋宮車輶雲天女媧河西郎君雙髻小牽牛耕煙種蘭苔
翠被仙裳笑相遇星羅斗帳襯香謾羸女吹簫慶合歡并姬獨宿啼清露
天上恩情惟此夕求巧女兒那刺促駛馬不曾經年思須臾入上扶桑枝

初寒曲

金錢弄霜寒淺淺小閣雲簾朝不掩飄風赴閨羅袂秋翠袂出箱香冉冉
薰爐試手龍媒溫半床衾被愁黃昏芙蓉落瓣荷除禿幽鳥還傍南塘宿

雨沙

老鷺呼乾北溟水燭龍吐火燒餘滓一片狂沙乘斷鵬飛度江南數千里
誰言天上無行人空中亂落車馬塵青皇嚴令禁不得掩却人間明媚春
羲和想迷西崦路午景徘徊愁作暮鴟湖神后擬重來鬼虫妬口吹黃霏
陰氣野蘋船百靈烟埃曉眼花冥冥海天月浪洗一夜明朝水綠山還青

採蓮曲

翡翠樓臨鴻鵠水朱簾捲曉香風起靚粧搖蕩湖色澄一樣芙蓉鏡光裏
蒲深柳暗人跡稀麥歌聲裏雙鳬飛攀紅採練日易晚夕燈愁對文君機
金鴻白馬誰家醉桂娥迎秋減芳意荷葉經霜缺舊圓藕腸欲斷絲遙望

元旦

天上寒星飲曙鍾海隅佳氣溢晴空東華湧出瞻璇日南極吹來長卷風丹鳳曆端觀夏正理華枝上見春工贊元天子調元相管領民歸玉燭中

和武季文早春遊宴

日滿寒塘水漸開細泉聲裏覺春來物華天與新雙眼酒量吾應長一杯野色放青回凍艸暗香疑雪上晴梅病羈方藉風光慰敢問朝簪染素埃

遊仙詞十七首

扶桑帝子快聳弓百發金丸赤水東驚起北溟雙巨潮等閒飛到九光宮十二瓊樓麗紫清銀河隔座瀉秋聲翠鸞扶起瑤臺月人在仙家第五城海風吹絳蔚藍天山湧芙蓉月湧蓮對對凌波塵鞅小相逢多是水中仙蓬萊水淺不容舠欲借瑤池養六鷗王母栽書報龍伯仙源祇好灌蟠桃龍女携筐到日南扶桑摘葉飼水蚕繅絲倩得鮫人手爲織紅納製舞衫仙人天上好樓居門外離離種白榆一曲洞簫吹向月夜深鶯起海中鳥魚軒破水中天蓀翠風鬟從列仙隱鼓鼙樂敲向月洞庭君女嫁涇川碧沙瑤艸帶銀潢天女亭峻夜采卉也覺九霄風霧冷不裁雲錦寄牛郎

能盈娘子董雙成王母前頭一對行天陌偶逢秦弄玉相將鳳管和鸞笙
蟠桃熟醜九華漿阿母臨池不自觴已賺穆王馳八駿又教青鳥報劉郎
廣寒宮殿月中開誰奉君王到上來朝士無緣攀逸駕只聽唱紫雲曲
二妃天上遇重華錦瑟瑤琴樂帝家世上狂夫休浪想對樗蒲闌紫蘭花
鵝笙鸞鶯隔蒼烟天上那知更有天不向九霄歌白雪怕人知是小詩仙
金闕西廂玉案前衆中誰是掌書仙欲披小券支風月借與琅函五色箋
紫泥壇上火流紅夜半天神降竹宮玉器七千陳湛露翡翠三百舞藍風
白雀主人乘白龍老劉翻領太山封天翁亦自讓捷足莫怪凡夫爭長雄
楊回不嫁倪君明東島西池各自行從女九千公有伴任他青鳥自逢迎

吹笛士女圖

水簾銀床倚石屏芭蕉涼露濕秋庭貞心試託湘江竹吹向流雲與鳳聽

長門月

昭陽歌吹晚風移金屋春寒獨睡遲何事西宮楊柳月一彎猶似姮眉旨
海城春望

一帶浮光界遠田數村花柳簇春烟誰家檣慢招人醉搖蕩東風出樹頭

長門春思

露重花垂泣，煙深柳暗攀如何。清禁裏有此斷腸春。

春日睡起

春眠仍值酒初酣，奈可梁間燕。二三好夢斷來何處續？落花風雨滿江南。
足夢中句

挾笙吹鶴度瀛州，霧濕雲窗玉女留。夜半酒醒人不見，滿庭明月桂花秋。

東風

最是東風管別離，年年吹鬢綠楊枝。行人去日曾攀折，每到春來有所思。

宿雁圖

漢宮詞
理卷霜毛宿晚汀，旅魂懸自繞。秋冥西風莫攬蒹葭，水月苦沙寒易得醒。

被寒燒盡鬢金香，侍女無言立近牀。一樣玉壺傳漏點，南宮夜短北宮長。

舟中暮歸

斷柳殘沙不掩堤，葦叢幽稱水介棲。半江斜照將秋色，相送歸船到竹溪。

若耶溪

南風雨過若耶深蓮女菱歌亂別心後夜繁霜凋綠葉洞房歸去理秋砧

二陸來酌聞隣家絃索聲

二首

夜闌燒燭對殘樽欲罷猶憐客未醺隣舍兒童能解事琵琶聲裏惜離群
酒淺燈寒醉不成隔牆絃語若爲情太平兒女中原樂不是蛾眉出塞聲

溪上

溪上閑行日未斜石橋南北見桃花避人魚入深深水傍母鳬眠淺淺沙渡口孤舟依野店磯頭一徑到漁家何時謝却塵中事來就田園學種瓜

江南春和杜牧韻

細雨輕烟釀翠紅年年川谷自春風傷心莫詰南朝寺多在吳王禁苑中

陸太常武

武字鼎儀崑山人天順癸未會試第一廷試第二授編修遷修撰掌宗東宮侍講讀進止間雅最爲得體及卽位進太常少卿翰林侍讀充經筵日講官將進請忽得末疾給驛歸卒于家李西涯曰張亨父陸鼎儀少同筆硯未第時皆有詩名亨父天才敏絕而好爲精鍊奇思硬語間見疊出人莫櫻其鋒鼎儀稍後作而意識超詣凌高徑趨擺落塵俗雖或矯枉過正

弗恤也二人者天假之年其所成就不知到何等地位而皆不壽以死豈不重可惜哉鵠儀沉靜好學解悟過人而矜嚴自持人少當其意者有春雨堂稿藏于家

明仲鳴治師名亨甫賓之同過得復字

李君願有携陳謝欣迫促開門候軒車羅張亦相逐展席蔽我軒衣袂頗連屋往事一笑中閒言坐成福止吟惜幽情折輪不遠復爲謀知未諧戒誨不速向來馳數箋空費兩家僕猶怜君子爭勝負各清淑暮雨過西山清風動遐谷盤飧媿交情終宴無餘馥但喜有文辭明珠動成掬人情苦難常世事易反覆所嗟二三子慰我頗暄燠何當維白駒於此看信宿春初聞賓之以詩止詩不覺失笑乃戲以八止詩簡之而賓之遂有雞酒之約予初未嘗止詩亦不承約姑俟其破戒未幾賓之果渝約予乃徵前物賓之以詩分理不能直因歸咎于鳴治師召督責之過今各助費二公欣然從之寔閏二月二十六日也是日退朝遇明仲孟陽於直廬約當俱來已而明仲果來亨甫近予舍亦爲予至分韻賦詩凡得六首退而羅李二公皆有紀述復有校讎增予卷軸是雖一時之戲談然

他日林壑之間發而視之有不勝其感者癸卯西歲六月九日雨中病
逸識

西山詩次李賓之韻

壬辰年十二月

盼嚮分陰陽，軌清已高發。順哉地漫衍，乃復有凌越。於地起峰巒，如人有筋骨。勇與意，何休敷。國勢不杌靡，始亦靡。終誰驅，復誰拔。敢言附腋，超未信。鞚尖蹶，正看如扆屏。側睨像重褐，山經漫連渠。禹貢祇要是，上界府允爲真人。窟參差綠玉簪，窈窕宛青。

堯階足鳳儀，漢野巨鱗峯。密雲暗西郊，萬騎宿。

潰圍虓鬪降，賜胙昨諸侯。同擲益稷門，懸分兵井陘。

開張華夷分，隱蔽星月汨。頽林遭拔翻醜受，藏禽湏虞圍。露玉眇目，叟群牽臂幅。濛毒斧施狼，狐婢莫禡夔。

邇難罰祭星，縕贅搜疣金界。

掘山屐蹠胡，鞬馬柳。昂繫牛，櫟汲幽。蹀落笄。

躋躋牕帖吼岩空，覆堂虛石爛。蒸火蛇嶂作尻尾，高泉爲舅倩咄旋砂。銅鎗零寸碧，磬心凸蹲踞虎貼乙。軒舉趙連鶴，胡元偶包懷。穢氣尚鬱李，應慙乏非封。有意惡人評，今將詩洗汙。猶以稚彈竭，幸留元放徒。且住金庭閣，已爲明時峰。

秀比謝家羯，天池水色澄。玉女窗煙倚，惟來意。將回勢走蘄，復呐然。銳何

玲龍剝剝非削劙
檜荀香中林幽偏剛十笏
弱語舊契中懶殘曾接蠍
十年隔雲覓方寸已塵賜相諧
磁與鍼相別火與汲白題
跔鹽車赤鱣跋泥
溷終纏組綬區未離琅當黑
音鈞通輕烟霏秋冠短樹暗春襯
因花想其容聞吹駭其艷焦枯笑頭童
僵僂疑曠瘡或時蔚色浮有似金
羨鬻拘杞老化龐梗楠大遞輶木客
時出儕經僧闇無歇雲官燒闕開
辭壁白村沒深拘填衆吹風爲呻
危跌屢屢存榜額珠露揭神肩
架小筏願子携永行臨危鎮膽艤
垂懸空蘇環珥帝畿飯當夫直連
間時有車載誠中弓疋兒駄黑解任
馬銜負羸高蛩載誠懶屋少
稠民慵牛代坐金碧金光明營脂用
輕忽鑿與年桂柱近猶兀那
多照乘遺骨鮮專車歿天蛇尚屈鬱
異事誠恍惚野實名玉皇嘉形如小
月缺黃流離尖礪青斧鉞掇拾未周詳
張皇愧孤子蓋以三千兵坐收
西突厥何當考嶮圖驛縷盡毫髮釣簾水
種傳入思心兵骨迢憐此時形
凍合如拳膝彼情方休休吾意使矻矻安得
百資肩致不吾伐却笑愚公愚留渠且遮關

傳檢討席上得樂字

西飛白日誰能縛歲月長驅蛇赴壑今日梨花簇零落昨日紅顏已消索
江頭柳絲渾綽約兒女要肢不勝弱水面鳬鷺白雪毛雲中冠蓋黃金閣
風和雲暖萬物遂閉門不出真大錯君看楊花在苑墻朝來飛作誰家泊
上蔡黃犬寧復來銀海玉魚那更躍高歌取酒爲君酌東牛未勝西隣論
花外銅壺兩箭多天邊碧瓦煙光薄青春留連笑語伸高情正作蓬麻託
開圖指點認前輩正始風流宛如昨已知叔夜不自堪應放祖生先我着
功名得失非所憫世事浮雲付遼漠敬言森然飲揮霍亦復大語相唯諾
忘情不復鼓胡嚦百事傾倒何其樂是日作徵言又爲大語皆酒令也

齋居閱東坡定惠院詩次韻遺興

前歲青綾卧玉堂今年樞燭春坊夜美景良朋往事中清香宴寢疎簾下
天空月白久不寐雪重枝高坐闡瀉門外材官護衛嚴城頭烏尾依栖亞
新春人事嬾不出齋閣詩情誰復借歸扇玉帛未足夸撫景豐懷端可謝
天王垂誠在竹宮齊民望鶴窺茆舍促辦誰催入夜壘大烹已壓官槽廣
出陪正怯病韁免睂以病不宣勸還思巨觥怕貪榮戀寵不知極官謗紛
紛得無罵

再次

庭窓月落窓戶幽燈影難離照良夜吾儕口業不容已白戰相凌未相下
焚膏滅不自惜綠髮紅顏暗中瀉隔床額呼喜彌明然先臥頤當坐相讒
畏陳亞少年心事老人身風情一夕聊相借僵僵誤觸屏風倒臘淚半欹
燈暎謝黃紙紅旗燒世塵青蹊布護拋江舍丁鱗麋鹿強冠裳橫出終應似
蔓蕪百年勤業安可期四十頭顱那復怕鄭虔樗散與時違猶幸曾無官長罵

同察諸公會飲倪侍讀宅

東閣朝回踏曉驅垂鞭並過玉河東籬籠紅日三株樹寒近清霜五柞宮
諸儒未醉黃封酒唇乾舌強清容皴呼觴熾炭煩主人未脫杯盤綦在手
長圍縱獵騁心目勢促情窮甘自守不知朱顏坐此消反慮追歡落人後
滿堂賓客議論雄妙論何曾默相受聰明正愧劉光伯人事所遭十遺九淹留轉覺白日靜鞍馬盡迴僕僕刺故人坐我膠漆中杯深不復知予病
侵晨赴宴夕未尋人影在東猶輓衣可掩契分宛莫逆海內知心似此稀
差世人多貴耳賀監高樓憶劉子峴山子古悲無名立中高名長不已

當爲諸公面服膺不須沈石勒山銘

送邵文敬主事

珊瑚木難世所罕才華見羨難爲欵日短天寒客欲行詩壇別後誰爲伴
用之非宜復可惜子倉萬庾塵初滿淮河濤闊九月高研豪凍墨猶餘浣
西歸汝弼南行邵艸聖一時誰付管黃門蕭郎不苟作羅趙前頭覓余嬌
七辰滯下出無力自送邵君情不暖白日風沙憶放籌幽人宴坐漸樗散

走筆戲贈若庸司訓

故人別我有所往手提木鐸猶餘響鄭虔本是樗散翁永新之行愁鞅掌
官卑濩落携二子阿奴絡秀隨行李向非懷抱如江河誰能落日秋風裏
鴟來遺我兩翼鵠荔枝滿盤堆紅螺繼以少陵村雨詩感君思意何其多
我腹內病不堪俯殘書刺紙空如堵詩成欲遣雪兒歌酒賤無因爲君酣
細雨黃花豈送行秋來并作愁人苦猗嗟人生好事稀吳塘路上牽君衣

萬里青天起崖石韓愈城南之才碧孤雲欲去且爲留轉眼蛟龍忽狼籍
崖中獨樹挽青銅崖下流泉擲飛帛峰巒屈折隱高賢花木蕭疏隔飛翮

尾四

合浦洲前落日明東風吹散笛中情芙蓉半老臘脂苑楊柳輕籠翡翠城
輕舟細馬平生願画裏飄辭眼更溝

范啟東哀辭

先生昔爲子弟貢歲筆西毫毛鷗少師娘舅索將送画苑惜哉妙質親朱鉉朱鉉萬斛迴高斬壯士狂歌不成陷一時丹青坐頽靡獨有先生不營繕一時西十供投營歸官同舊不投明朝皂帽紫纓衣杖藜還看白雲飛功名過眼如掣電嘆息斯人古亦稀

次韻王元勳主事

一飯棲賢地居然久約中微涼庭過雨亂碧艸生風荷葉遮門近檐花映水空若非簪組繫便可老農同

泊舟

遠道孤舟客荒村獨樹煙淺沙寒映水輕澈暗鳴船淡月遺墟裏春燈斷草前綠林豪客在童僕夜妨眠

題画

芙蓉城外錦生香樓閣憑虛晚更涼欲把畫筒乞南使不知何處是金堂

寄絹陳雲泉

白米新炊夜香糟床應聽雨琳琅只愁濕郤陶公葛爲寄官家壓酒囊

送李善寶

燈火高堂夜坐移情親應惜報歸期梅花別路春愁盡舟到渝東柳暗時

寄郭用常

鳥栖殘葉夢迴時月滿閑山有所思無數人家吹玉笛未應俱是斷腸辭
三月十八日與亨甫歸自城西並玉河而北見官樹差參山日隱
映時已薄暮無人聲獨二騎云

差參官樹殿東西樹裏青山落日低回首旌旗猶未定晚來風起玉河堤
琅林醉歸圖

金鞍細馬出明光碧色羅衣錦綉香行過玉河三百騎少年爭說李東易
同年二百五十人獨東易最少時年十七也

四時詞四首

滿地花陰翡翠涼半簾紅霧水晶香黃鸝似惜春無主啼遍宮門不過墻
柳花臺榭汗銷香荷葉池塘趁晚涼十里翠萍魚點破軟沙深處見鴛鴦

架上絲衣捲翠絲手中團扇怯風吹侍兒不識人心別還把紅鹽洒竹枝
夢斷巫山獨擁衾笙歌聲迴夜沉沉無情不似銅龍漏滴碎長門一寸心

玉河

寄亨甫

玉河橋下斷水流流盡西風不見鷗縱然收得霜紅葉磨滅多情一半愁

送別無詩郤有情看山猶記別時程滄洲隱隱連河間落日城頭一騎行
玉堂視篆送王學士赴南京

玉堂清迥似仙家竹石叢中吏守衙視篆紙廡成故事汲泉還爲浣陳砂
琪花夜靜流金液槐樹春深集乳鴉豈向東山長吏隱北門猶待制黃麻

次韻答鑄郎中席上之作

光陰傾與篆煙消十八年華似昨朝久負君恩慙老大已衰心力歎飄蕭
官閒自可從卿飲情至因忘對客謔一笑春紅真漫耳傍人已道色全饒

次韻答亨甫

水繞城圍二萬家市門潮落露寒沙橋憐白塔吟風葉路憶新隄卧雨花
自媿兒童辭邑里每因朋舊惜年華他時歸卧吳江上應借滄洲十頃霞

自塔亨甫屋邊橋新興于家宅河也

三月三日大雪同亨父次前韻

亨父名雪爲水精霞

樓前寒蝶過東家階下春江走白沙靜裏移燈疑有影酒邊吹白半無花
深隨柳色添芳絮巧與詩人鬢髮華老眼平生貪素雨不知更有水精霞

戲簡文量

連娟新月照黃昏無事知君靜掩門醉裡無功應自適愁來仲孺與誰論
金魚定憇嬌兒覓鸞鏡難忘舞影存昨夜天風欺獨客青綾吹透不成溫

戲簡文量

樽前誰遣雪兒歌司馬風情晚更多銀蠟影偏人已醉紫檀聲斷欲如何
歸來尚想桓伊笛醒後空慙學士波戲問韋娘今健否青樓元自不曾過
十月二十八日子與文量晚酌朱燃還處懲退以教坊弟子王秀娟觴
夜深風冽琵琶絃屢斷而愁遲以洞簫繼之已而秀含絃按拍清歌數
曲中有所謂學士波者余不解文量哂之曰此方言也文量醉甚戲問
秀杜韋娘安否秀茫然以對因相與撫掌而罷云

次韻文量留別之作時文量有僕馬之役

三首

玉署詞臣未賜茶閣鈴剛被吏人搥論心舊喜來今雨撫掌新聞報落霞
使節川河懷遠道朋簪詩酒惜春花無緣便作聯床話空對宮槐看暮鴉
漁陽艸樹不逢茶柳外春聲聽摻撋淺水菰蒲寒帶雨遠村廬舍曉銜霞
內臣大僕連行色竹耳風蹄起玉花明日郊原見芳草牧人旗夢擁歸鴉
和林匹馬百斤茶羸小如羊不受過内地百年蕃字育春原一片總雲霞傷
心遠地價無力失喜當官印有花好急窮擔殘撋下尚餘瘡尾跡寒鴉

齋居次鳴治韻

秀句修然洗黛紅也應齋閣萬情空祗知圓澤緣將盡不謂芳卿恨尚同
夢裏芙蓉歸別殿海中桃竹寄書筒相思何限西垣興猶記分泉落月中

集句答若庸用來韻

二首

經旬出飲飲空床自笑平生爲口忙戰退玉龍三百萬人間惟有鼠拖腸
去歲茲晨捧御床詞頭夜下攬衣忙北臍高臥君休笑剩有千山入肺腸

列朝詩集

丙集第二終